





因母不留姦婦帶同他往投宿姦婦不允刀傷身死

雍正六年六月刑部會議覆同安縣民王安戮死林氏一案據福撫  
常疏稱緣林氏之夫廖愈本籍安溪移寓同安與王安同里居住  
廖愈因貧外出傭工王安遂與林氏通姦雍正五年六月內王安又  
喚廖愈移居伊屋間壁廖愈患病王安之母洪氏知王安與林氏通  
姦慮有後累于六月十六日給錢僱轎令廖愈夫婦撤回原籍王安  
前情雖斷復跟至赤蘭香客店見廖愈病篤兼乏盤費隨在檻頭地  
方借屋給錢令愈養病復以伊妻子不能存養携林氏及幼子廖咸  
仔仍回本屋於十八日晚到家洪氏見而詈斥不容少停王安情急  
執持菜刀說欲自盡希圖伊母暫留詎洪氏持棍趕毆王安心慌奔  
走忘棄所執菜刀同林氏出門王安令林氏往林氏之伯母處暫留  
林氏不允王安又喚其同往王安姊夫家住歇林氏不從王安進退





兩難隨將所執菜刀嚇令同往林氏撒潑不從王安忿激卽用刀戳傷林氏胸膛仆地殞命王安懼罪將刀亦自戳胸膛心坎洪氏疑係他人戳傷伊子控縣緝兇無獲將承緝不力職名咨參在案續經同安縣訪查林氏卽係王安所殺歷審不諱將王安擬斬監候等因具題王安應如該撫所題合依故殺律擬斬監候秋後處決再該撫疏稱王安受傷洪氏疑係他人所殺故致限滿無憑獲兇今已訪出兇犯卽係王安應將咨參承緝不力之同安縣職名開復等語查此案先經該撫將承緝不力之同安縣知縣李蘭等咨參吏部議以同安縣知縣李蘭署同安縣事候補知縣程運青俱經別案革職接署同安縣事候補知縣吳永權係接緝之員例無處分均無庸議未獲兇犯照案緝拿在案無庸開復奉

旨王安依擬斬著監候秋後處決餘依議

因姦婦情薄刀戮致死

雍正八年 月刑部議覆浙督李 疏稱桐鄉縣民金子榮與妻張氏向與蔣惠公已嫁之女比隣而居蔣惠公時往探女因與張氏家熟識康熙六十一年四月內蔣惠公僱倩張氏到家育蠶遂與通姦繼因路遠往來不便在自已隣近代爲租房令張氏夫婦搬移居住又常周濟薪米已歷八載詎張氏復與隣人陸三姦好被蔣惠公撞遇窺破又見張氏待已情薄心懷不平雍正七年閏七月初一日張氏向蔣惠公討吃熟藕蔣惠公携小刀往切與食將刀遺在氏家初二日早前往取刀張氏不給蔣惠公卽行自取氏復向奪并言放在這裡難道就把你殺了不成等語蔣惠公聞此惡言觸起氏與陸三姦好待已情薄頓萌殺機將刀狠戳張氏心坎左傍張氏倒地立時殞命審擬具題蔣惠公合依故殺律擬斬監候照例刺字陸三合依



軍民相姦例枷號一個月責四十板金子榮心貪蔣惠公租房周給  
僅聽往來與妻通姦合依縱容妻妾與人通姦律杖九十折責三十  
五板已經發落均毋庸議奉

旨依議

和姦已久忽因拒姦致斃

乾隆三年八月刑部會議覆洪招因姦勒死王氏一案據福撫盧  
疏稱洪招與王氏之夫林信比鄰居住與王氏通姦已久乾隆元年  
二月十四日洪招探知林信外出至王氏家中欲尋舊好王氏因兒  
女在側堅拒不從洪招回家後復往適王氏在廳掃地洪招遂嚇令  
王氏之幼女喜仔負笈出外欲拉王氏進房王氏怒罵用力推開洪  
招氣惱見房門外有牛糞在地洪招即拾取拴王氏進房按倒逼嚇  
王氏益怒堅不依允洪招執縲頭在手王氏在地亂滾不期勒緊王  
氏登時殞命屢審不諱且洪招與王氏久已和姦忽變初心逼姦悞  
勒與強姦殺死本婦之例不符將洪招照因姦威逼人致死律擬斬  
監候照例刺字等因具題查律載強者須有強暴之狀婦人不能  
掙脫之勢及損傷膚體毀裂衣服之屬方坐等語今王氏之死頭髮



散亂裙褲墜裂情狀昭著何云非強頸有繩痕深重交匪何云悞勒至稱和姦已經五年不爲不久往來情好必密縱使偶變初心以素所狎洽之人何致以死相拒且成姦日期在縣則供雍正十三年在司則供雍正十二年此等明白關鍵而前後不符其餘曖昧之言又何足信恐有信口誣捏希圖就輕避重情弊且勒頸有必死之勢故殺非威逼之比所擬情罪殊未妥協應令該撫另委賢員確審妥擬具題到日再議可也奉

旨部駁甚是依議 乾隆四年十二月刑部會議覆洪招因姦勒死王氏一案先據福撫盧 審題經臣部等衙門指駁題明咨行去後今據署撫王 疏稱洪招實與王氏通姦有素是日因王氏變情用縲拴住按逼圖姦拉其下衣以致裙褲墜裂王氏不從在地亂滾是以頭髮散亂其致死王氏實係洪招臨時氣忿勒死屬實查王氏既與洪

招通姦日久盆非初次行姦似與強姦殺死本婦之例不符洪招應改照故殺律擬斬監候照例刺字但該犯于司審取供後病故應毋庸議等因具題應如該署撫所題洪招合依故殺律擬斬監候但洪招已于司監病故應毋庸議再該撫疏稱此案已經遵駁審明改正例得盆邀免議至洪招係患時氣病症身故盆無凌虐情弊所有監斃管獄官職名係署按察司檢校兼理司獄事俸滿巡檢留閩候補董正學等語查定例督撫具題事件內有情罪不協律例不符之處部駁改正具題將從前承審外錯之處免其議處又例內斬絞重犯監斃一人者管獄官罰俸一個月等語除從前擬罪未協之處既經遵照部駁改正應照例免其議處外應將監斃斬犯一名之管獄官董正學照例于補官日罰俸一個月奉

旨依議



妬姦見棄懷嫌致死不應擬絞率結

乾隆五年九月刑部會議覆侯三扎死石七之妻王氏一案據直督孫疏稱緣侯三與石七同村居住灌園爲業每赴園內必由石七門前經過與石七彼此熟識時相往來石七出外經營侯三隨與伊妻王氏調戲成姦往來已久旋因王氏先與同村曹臘八姦好侯三見曹臘八由王氏家出心生嫉妬隨與曹臘八互相爭毆以致王氏穢聲彰著王氏仍與曹臘八相好棄絕侯三侯三懷恨心疑曹臘八在王氏家姦宿欲行捉姦洩忿更餘時候從王氏家後門進屋惟見王氏子索兒炕內睡熟王氏在房紡績並無曹臘八踪跡隨卽同身退出王氏瞥見卽趕至院內拉住衣服叫喊侯三不能掙脫一時情極拔身佩小刀扎傷王氏左腋服王氏仍拉住不放又扎其胸膛偏右以致王氏傷重立時殞命時王氏之子索兒聞喊欲出救護被侯



三用言嚇止隨卽持刀而逸經索兒喚同隣人郭天良往視見王氏業已身死稟報到縣緝獲侯三到案將侯三擬絞等因具題查人命案件其覺起一時彼此互鬪殺出無心死由邂逅謂之毆殺若事有夙讐頓起殺機金刃疊加立斃人命顯屬有意謂之故殺各有明條難容混擬今侯三與石七之妻王氏舊有交好因王氏復與先行同姦之曹臘八續好棄絕侯三侯三遂起妬念蓄意捉姦洩忿于更深時分潛入王氏屋內見點有燈光王氏在房紡績伊子索兒在炕睡熟曹臘八並未在彼又見王氏顏色不好卽退身回走被王氏趕出院內扭衣喊叫侯三拔刀扎傷王氏左腋肌迨王氏被扎之後喊叫侯三拿刀殺人王氏之子索兒當卽聽聞據索兒供小的原要出來侯三說你若出來連你也殺了小的害怕不敢出來後來不聽見聲響方出來看母親已被侯三扎死了侯三亦供認王氏喊叫殺人之

時嚇禁索兒說你若出屋連你也打死等語是索兒應聲欲救其母侯三膽敢聲言連殺禁止救護隨又用刀向王氏致命胸膛一戳立斃其爲有心致死情狀顯然律以毆殺殊未允協應令該督另行詳審取致死確供按律妥擬具題到日再議可也奉  
旨部駁甚是依議



禁止姦婦不許與僧往來後遇姦婦自寺歸家以致爭毆身死

雍正十一年七月刑部會議覆福寧州民王煥文因姦致死陳氏一案據福撫趙疏稱陳氏有夫遠出不守婦道與小雲峯寺戒僧智全通姦迨後又與王煥文姦好王煥文姦濃情妬禁阻不許再與智全私通雍正十年九月初一日陳氏復往智全寺內而歸適被王煥文撞遇欲毆陳氏當經鄭仕秀勸散至初二日晚陳氏將情由訴知伊男張文才張文才聞言忿激在家詈罵王煥文在陳氏後門聽知隨亦回罵張文才出而嚷鬧詎王煥文恣肆穢言張文才被辱情迫坐地哭泣陳氏起勸王煥文隨將陳氏拉回已家行至中途陳氏不肯行走言欲投河自盡弁以頭撞王煥文煥文用手拉扶陳氏致手指抓傷陳氏之食氣額陳氏因撞掙失足又自磕傷額顛鼻準人中

等處王煥文將陳氏扶起陳氏仍不肯行又以頭撞王煥文煥文遂



掌打陳氏耳根陳氏仆跌倒地磕傷心坎當卽殞命王煥文懼罪將屍負置黃文盛灰簍而回次早黃文盛往寮倒灰見陳氏身屍報知伊子張文才具控將王煥文等拿獲到案歷審不諱將王煥文擬斬戒僧智全擬以枷責等因具題除王煥文移屍輕罪不議外應如該撫所題王煥文合依因姦致死律擬斬監候秋後處決照例刺字該撫旣稱戒僧智全應照僧道犯姦例于土門首枷號一個月杖一百勒令還俗先行枷責發落等語應無庸議奉

旨王煥文依擬應斬著監候秋後處決餘依議

因姦謀死大功服弟

雍正八年四月刑部會議覆河督田 疏稱泌陽縣民趙玉係趙先大功服兄趙先原籍山東陽穀縣携妻王氏倚居趙玉家趙玉卽與王氏通奸後趙玉以趙先求乞爲辱又欲嫁賣王氏遂同趙守惠商量致死趙先賣氏分肥并告知王氏氏亦允從趙玉復將致死趙先之事告知趙倫糾同衆人將趙先繩網抬擲坑內活埋而散當經鄭國用報知地方蘇起隆同往拏獲趙玉趙守惠稟縣續經弋獲趙倫王氏審擬具題除趙守惠趙倫病故不議外趙玉合依因奸謀殺親夫之後將奸嬖或得銀嫁賣例擬斬立決王氏合依因奸同謀殺死親夫律凌遲處死奉

旨趙玉着卽處斬王氏着卽凌遲處死餘依議



謀殺本夫圖娶姦婦為妻事雖未成亦依例斬決

乾隆元年十二月刑部會議覆封川縣姦婦陳菊蘭奸夫蘇增有等  
商謀殺死親夫孔必實一案據廣撫楊 疏稱緣陳菊蘭自幼賣與  
陳氏為婢長大匹配孔必實為妻雍正十一年先後與梁不憂梁乘  
行通奸已經數載雍正十三年七月內蘇增有知陳菊蘭與梁不憂  
等有奸窺孔必實外出潛入陳菊蘭屋內亦調戲成奸孔必寔俱已  
知覺常將陳菊蘭詈罵聲言捉拏送究是年十二月二十五日梁不  
憂梁乘行同在兜婆山採柴陳菊蘭蘇增有隨後亦至共坐閒談陳  
菊蘭怨夫龔蠢并告以奸情為夫所覺令蘇增有等設計免禍蘇增  
有頓起殺機商謀殺死孔必寔將陳菊蘭帶往廣西為配并令梁不  
憂梁乘行相帮下手許各謝錢二千文當即允從訂俟新年行事迨  
乾隆元年正月十七日蘇增有挑築塘基孔必實填其泥濘致相爭



角孔必實遂罵蘇增有污垢伊妻有日死于伊手之言蘇增有情急  
即往約梁不憂次日午後携帶柴刀前往社山古墳看陳菊蘭眼色  
爲號一齊動手并往告知梁秉行陳菊蘭各皆允諾十八日午後梁  
不憂帶刀與梁秉行偕往蘇增有哄誘孔必實至彼同坐吃烟陳菊  
蘭隨後趨至孔必實問妻不答惟以目視蘇增有等三人維時梁不  
憂在孔必實背後用兩手扳住孔必實肩甲仰面按倒孔必實叫喊  
蘇增有將左手按頭右手掩口梁秉行捉住孔必實兩手梁不憂拔  
出柴刀向割孔必實咽喉一下尚未身死不憂手軟不能再割蘇增  
有接過柴刀砍孔必實肚腹一下登時殞命陳菊蘭見夫死即回蘇  
增有等畏懼將屍移至社前樹下而散屢審不諱將菊蘭等擬磔斬  
等因具題應如該無所題陳菊蘭合依妻妾因奸同謀殺死親夫律  
凌遲處死蘇增有等除移屍輕罪不議外蘇增有謀娶奸婦事雖未

成然謀殺之意因此而起合依奸夫同謀殺死親夫復行設計謀娶  
姦婦爲妻妾例擬斬立決梁不憂梁秉行均合依妻妾因奸同謀殺  
死親夫律擬斬監候秋後處決仍各照例刺字奉  
旨陳菊蘭着卽凌遲處死蘇增有着卽處斬梁不憂梁秉行俱依擬應斬  
着監候秋後處決餘依議



因姦殺死本夫屍兄受賄利息

乾隆三年九月刑部會議覆新寧縣籍人顏亞長與馮氏通姦致死親夫陳裕良棄屍私和一案據署廣撫王疏稱緣顏亞長與陳裕良比隣而居雍正十三年五月初五日陳裕良之妻馮氏獨坐村前候看龍船顏亞長近前旁坐調戲馮氏應允約定是晚在於後山會合成姦自此時常奸好乾隆元年三月內馮氏與顏亞長在巷口笑詭陳裕良撞見疑顏亞長與馮氏有姦曾將馮氏責罵乾隆二年九月二十二日晚顏亞長窺陳裕良外出復約馮氏上山搬柴陳裕良探知携棍往尋看見馮氏與顏亞長同坐嬉笑即將木棍毆傷顏亞長顏亞長躲開陳裕良舉棍向毆馮氏馮氏慮夫打死頓前殺念用手攔住陳裕良腎囊隨叫顏亞長奪棍打死顏亞長當卽奪棍連打陳裕良右脇膊右肋登時殞命馮氏與顏亞長希圖滅跡將藤網縛



身屍扛棄海中而回二十三日陳裕良胞兄陳裕東不見弟回詢問馮氏佯稱出門捕魚恐被淹死陳裕東心疑馮氏與顏亞長通奸謀死同弟陳亞五四處找尋二十七日陳亞五在飛沙海面尋獲身屍見有藤纏毆傷報知陳裕東裕東前往看明回家殺言告究顏亞長畏懼卽往托顏萬千處和顏萬千拉同顏萬多顏祐發前至陳裕東家說合陳裕東應允顏萬千等遂向顏亞長取錢二十千文交給陳裕東將屍收殮嗣據該縣查訪獲犯訊供檢明屍傷屢審不諱將馮氏等擬以磔斬徒杖等因具題應如該署撫所題馮氏除棄屍不失輕罪不議外合依妻妾因奸同謀殺死親夫律凌遲處死顏亞長除棄屍不失及賄和各輕罪不議外合依因奸同謀殺死親夫律擬斬監候秋後處決仍刺字陳裕東除私和受財計贓准竊盜二十兩罪止杖八十輕罪不議外合依期親卑幼被殺而尊長私和者減卑幼

一等律杖七十徒一年半至配所折責二十五板俟徒限滿日發回原籍嚴加約束顏萬千合依說事過錢與受財人同科例杖八十遇熱審減一等杖七十折責二十五板顏萬多顏祐發合依爲從減一等律杖七十遇熱審減一等杖六十折責二十板杖罪各犯已經該署撫先行折責發落應毋庸議該署撫旣稱陳亞五親兄被殺因長兄陳裕東私和不報已將陳裕東擬徒應照一家共犯罪坐尊長律免議陳裕東所得私和錢文照進入官等語應如該署撫所議完結奉

旨馮氏着卽凌遲處死顏亞長依擬應斬着監候秋後處決餘依議



因姦毒死親夫

雍正九年九月刑部會議覆東撫岳 疏稱膠州民魏森携妻田氏  
 賃楊五房屋居住田氏與楊五通姦情密被魏森撞破難以長久楊  
 五頓起殺機與田氏商謀毒死魏森田氏允從楊五遂買毒葯於雍  
 正七年六月初四日晚携酒一壺往魏森家與魏森同飲楊五暗將  
 毒葯入酒與魏森飲後魏森口鼻流血登時殞命楊五歸家喚姪楊  
 小魁同田氏將魏森身屍用繩懸掛梁上假為縊死地方張士占知  
 係毒死欲據實稟縣楊五給張士占錢五千文捏報自縊經高密縣  
 知縣喬天保帶領仵作李起生高存往驗楊五又託張士占給李起  
 生高存錢五千文驗作縊死魏森之弟魏高詢知毒死情由具控楊  
 五見事敗露投井身死歷審各認不諱按擬具題除楊五投井身死  
 不議外田氏合依因姦同謀殺死親夫律凌遲處死作李起生高



存俱照受賄故檢驗屍傷不實以故出入人罪論若囚自死減一等律僉妻流三千里至配所杖一百折責四十板地方張士占應照証佐不言實情減罪人罪二等律徒三年至配所杖一百折責四十板於徒限滿日交給地方官嚴加管束不許出境幫同掛屍之楊小魁照不應重律折責李起生等所得賍錢照追本官再查定例官員檢屍聽信作將打傷砍傷報稱跌傷磕傷者降三級調用等語應將檢驗不實之高密縣調任知縣喬天保降二級調用已經別案革職其降調之處仍行註冊至失察作受賄之處例應罰俸已經別案革職並本案議以降級註冊應無庸議可也奉

旨田氏着卽凌遲處死餘依議

因姦情敗露毒死親夫

雍正八年 月刑部議覆廣撫金 疏稱柳城縣民王兆柱之妻王氏常歸母家暗與秦晚通姦被王兆柱察知情由時加毆詈王氏不知自悔反以被夫打罵之言訴之鄰婦秦氏欲覓毒藥自盡秦氏許以來春採給胡蔓草且云何不與丈夫吃王氏毒夫之意遂成迫秦氏採就毒藥王氏往取秦氏卽向王氏索銀王氏隨付銀一兩因秦氏嫌少王氏復拔所帶銀簪二枝添給秦氏將藥末交給復密囑王氏勿令人知至雍正五年三月十八日王氏將藥末恣置粥內王兆柱食畢出門藥發腹痛悟及被妻下毒邀請鄉老告知其故王兆柱中毒深重越四日殞命審擬具題王氏合依謀殺親夫律凌遲處死秦氏合依謀殺人從而加功律擬絞監候均刺字秦氏所得王氏買藥銀兩銀簪照追入官脫逃之秦晚勒限嚴緝獲日另結該撫既稱



疎縱秦晚之解役章廣俟緝獲秦晚之日質審定擬等語應令該撫  
俟緝獲秦晚之日一併審擬具題奉

旨王氏着卽凌遲處死秦氏依擬應斬着監候秋後處決餘依議

因姦殺死親夫謀娶姦婦改擬斬決

雍正六年正月刑部會議據福撫常 疏稱當林瑄定婚之初因年  
齒不當合同族小功弟林良代看及娶王氏入門見非原看之人心  
懷怨憤三月後卽與林良通姦後又有吳高因林瑄欠伊舊逋借取  
債爲由時常見氏緣見林良常入氏家知有姦情隨給林良制錢二  
千文托其牽引於雍正二年正月內吳高卽與王氏通姦從此王氏  
與吳高倍相親暱惡親夫林瑄醜陋雍正四年七月十九日林瑄在  
烈嶼賭博得病歸家王氏於二十日卽起意與吳高商謀於二十一  
日毒死其夫次早林超往視見屍鼻中有血吳高恐事洩漏出銀令  
林超買棺買布收殮二十三日林瑄之母江氏弟林伯聞信前來見  
屍已殮心疑欲控吳高又出銀十兩并舊借九兩欠字交還向江氏  
求息江氏聽從合林伯勿告詎吳高見事已寢復托林秀假捏詭名



陳成求娶於八月十五日交聘銀十兩將王氏娶去後江氏查知吳高假名謀娶不甘遂令林伯赴縣控告歷審不諱將王氏照謀死親夫律擬以磔罪吳高照同謀殺死親夫律擬斬林良照姦總麻以上親律擬軍林秀林趨江氏均擬以杖罪等因具題應如所題王氏除通姦輕罪不議外合依妻因姦謀死親夫律凌遲處死吳高除買姦輕罪不議外合依姦夫同謀殺死親夫律擬斬監候林良除得財引姦輕罪不議外合依姦總麻以上親之妻律僉妻發附近克軍至配所杖一百折責四十板江氏除得財輕罪不議外合依子被殺私和律杖八十係婦人照律收贖林伯聽從母命應予免議該撫既稱代吳高假捏詭名議婚之林秀并代買棺布之林趨俱照不應重律杖八十林趨年甫十五應照律收贖林秀已經折責發落毋庸議仍追林良名下制錢二千文并追林伯名下私和銀十兩借字銀玖兩聘

銀十兩一併入官可也奉

旨王氏着卽凌遲處死吳高既因通姦謀殺林瑄又行賄私和人命詭名謀娶王氏所犯情罪較重大光棍更屬可惡吳高着改爲立決嗣後有似此因姦謀殺親夫設計娶姦婦爲妻妾者俱照此立決永着爲例餘依議查江氏已經令子赴縣具控例應免罪



貨賣馬錢毒藥照不應重律

康熙二十八年十二月刑部會看得林六三王氏因姦謀死林祐一案據福撫張 審擬磔斬杖罪具題查林六三與林祐妻王氏因姦情稔欲將林祐致死以圖久遠後林三遇賣襪貨黃會托名鳩狗買馬錢藥和以斷腸草汁于康熙二十八年四月二十日晚將藥給王氏指授行毒王氏將藥調入伊夫所食飯內致林祐服毒即時殞命歷審自認情真王氏合依妻妾因奸同謀殺死親夫律凌遲處死林六三合依姦夫處斬律擬斬監候秋後處決黃會審不知情但貨賣馬錢毒藥合依不應重律杖八十折責三十板林壁翁祐等審係無干均無容議奉

旨依議



未婚之妻與姦夫謀殺本夫誤殺旁人

雍正九年五月刑部會議覆湖撫魏 題公安縣陳么女與許正迥  
 通姦同謀毒殺本夫劉家兆誤毒張維善身死一案緣陳么女自幼  
 許與劉家兆為妻立有合同為養老贅婿尚未成婚因劉家兆佃種  
 許又思之田遂同伊岳母雷氏並么女搬住許又思庄屋又思之子  
 許正迥乘雷氏家兆外出即與么女通姦後正迥之妻物故么女隨  
 起意與正迥商謀買藥毒死家兆欲與正迥婚配正迥允從適有賣  
 瘡藥之任長名路過正迥買伊紅白瘡藥一錠交與么女雍正八年  
 二月十四日么女知家兆次日下湖釣魚必帶乾糧隨取米磨粉研  
 藥入內伊母雷氏不知粉中有藥作粬二個給家兆帶去家兆在湖  
 食粬半個忽作嘔吐飲水而解不知其中有毒有同釣魚之張維善  
 以為食粬何至嘔吐索取嘗食家兆將所餘半個與食維善當即嘔

三原縣志

卷十九人命

一百四十

殺死姦夫



吐迷時隨有同伴劉正詳等覓船載歸次日殞命許又思並無縱容其子雷氏亦無知情共謀查律例內並無未婚之女謀殺本夫不死而誤殺旁人之正條其劉家兆係自幼贅居為婚與聘定而未娶者有異應將陳么女比照因奸謀殺本夫傷而不死姦婦依謀殺本夫已行律斬決許正迥係同謀買藥欲殺親夫不死而誤殺旁人查律例內亦無謀殺為從而誤殺旁人之正條應將許正迥比照謀殺人從而加功律擬絞監候等因具題應如所題陳么女依律擬斬立決許正迥依律擬絞監候該撫既稱許又思並無縱容其子雷氏亦不知情共謀但並不覺察管束俱應照不應重律杖八十許又思係監生照例納贖雷氏係婦人照例收贖其不知情賣藥之任長各應免緝拏劉家兆應令歸宗再該撫疏稱陳么女等所犯罪名律無正條查律內斷罪無正條者引稱比附應加應減定擬罪名奏聞取白

上裁等語仍將么女許正迥所擬罪名奏聞候

旨遵行奉

旨陳么女着卽處斬許正迥依議應絞着監候秋後處決餘依議



姦夫殺死本夫姦婦知情不加功問決斬

雍正七年五月刑部會議覆直督楊 題景州民鄭大漢因姦勒死  
王氏卽鄭氏親夫陳士鳳一案查陳士鳳籍係冀州因家貧難度於  
雍正元年四月內攜帶妻子乞食景州當遇鄭大漢留任在家傭工  
遂與王氏結拜兄妹旋與奸好至雍正三年三月內鄭大漢復送伊  
等至良鄉縣僱與劉尚友家傭工鄭大漢仍不時周給往來行姦陳  
士鳳貪伊資助明知故縱雍正五年十二月初七日鄭大漢瞞陳士  
鳳欲携眷回家卽起意謀害於是日傍晚乘王氏并伊子撲囊在劉  
尚友家傭工未回鄭大漢借索欠爲由棍毆陳士鳳左額昏倒並用  
麻繩勒頸致士鳳立時殞命并將屍骸埋於炕內及王氏是夜回家  
詢知前情鄭大漢恐王氏聲揚復以一并致死之言恐嚇扶同隱匿  
於是月十二日邀同王氏携帶子女卽行潛逃嗣於雍正六年正月



二十四日村民趙王明路經陳士鳳住房門首陡見犬啣人肉而出遂告知房主劉尚友家同尚友家人王柱兒啓門查看創出陳士鳳屍骸隨緝獲鄭大漢等到案歷審不諱除鄭大漢已監放不議外其王氏雖無同謀幫助情事但鄭大漢先曾兩言欲害其夫王氏不向陳士鳳告知勒死之後被鄭大漢恐嚇又不首告復與潛逃及至拿獲到案仍認鄭大漢爲親兄堅匿不吐顯屬知情未便輕縱將王氏擬以凌遲處死等因具題除應斬之鄭大漢在按察司監病故不議外查雍正元年六月內據寧古塔將軍巴賽咨山西民馮子直與正紅旂披甲阿爾兎之妻莫靈克通姦毆死阿爾兎將莫靈克擬以凌遲一案臣部等衙門題覆以莫靈克雖係知情並未造意亦未動手與幫助姦夫殺死本夫及本身自殺夫者不同將莫靈克凌遲之處改爲斬決馮子直仍照律擬斬監候等因具題奉

旨莫靈克於姦夫馮子直殺死伊夫阿爾兎並未在場不會起意又未助毆莫靈克改爲着卽處斬馮子直依律應斬着監候處決欽遵在案現今王氏曾經姦夫鄭大漢兩言欲害其夫雖俱隱忍但鄭大漢勒死伊夫陳士鳳之時王氏尚在劉尚友家傭工未回並未在場不會起意又未助毆與幫助姦夫殺死親夫及本身自殺親夫者有間應將該督所擬王氏凌遲之處改照莫靈克案將王氏擬斬立決該督又稱鄭大漢在監病故之處查鄭大漢係帶病進監其管獄官職名免其查議奉

旨王氏着卽處斬餘依議



因姦致夫被害尚無同謀幫助情事量減斬決

雍正八年五月刑部會議覆棗強縣民王二紅眼等在永清縣地方  
謀死李大禿子一案據署直督唐 將姦婦張氏援照良鄉縣王氏  
因姦致親夫被人謀殺改擬斬決具題查雍正七年據署直督楊  
題良鄉縣民鄭大漢因姦勒死陳士鳳一案將姦婦王氏擬以凌遲  
處死具題經臣部等衙門議覆以王氏曾經姦夫鄭大漢兩言欲害  
其夫雖俱隱忍鄭大漢勒死伊夫陳士鳳之時王氏並不在場不曾  
起意又未助毆與幫助姦夫殺死親夫及本身自殺其夫者有間將  
王氏改擬斬決具題奉

旨王氏着卽處斬餘依議欽遵在案今該督既稱王二紅眼因姦殺死李  
大禿子張氏雖屬知情屢次商謀未允臨時又不在場起意亦無幫  
助情事等語應如所題將張氏照依王氏之案擬斬立決王二紅眼



合依姦夫謀殺親夫之後將姦婦拐逃為妻妾并將帶逃幼小子女  
賣與他人為奴婢例擬斬立決秦二合依謀殺人從而加功律擬絞  
監候劉氏合依縱容親女與人通姦例杖九十年逾七旬照律收贖  
該督既稱張氏之子長孫已給伊祖母劉氏領回王二紅眼已擬正  
法其所得長孫身價銀兩應免追給等語均毋庸議其秦二談二所  
得王二紅眼大錢四百文於各犯家屬名下照追入官奉

旨張氏王二紅眼俱着卽處斬秦二依議應絞着監候秋後處決餘依議

姦夫欲害本夫屢告姦婦姦婦並不通知本夫以致無備被害不  
便擬杖完結

雍正十一年五月刑部會議覆蘭撫許 疏緣白純月出本錢一千  
六百文與李進孝賒賣烟蒜生理李進孝將錢花費白純月又用銀  
三兩買羊十二隻又為李進孝賒買白純月屢討無償李進孝商令  
伊妻賈氏與白純月通姦抵欠賈氏隨與白純月成姦白純月言挑  
賈氏欲將李進孝揪崖跌死當被賈氏斥阻嗣李進孝復令賈氏與  
白純月姦宿白純月又欲致死李進孝娶賈氏為妻賈氏罵未應先  
迫李進孝往白純月室內共寢白純月酒醉心克因思本被花銷姦  
未親密頓起殺機乘進孝睡熟卽用褲帶挽扣套頸狠勒登時殞命  
歷審不諱將白純月照因姦殺死親夫律擬斬賈氏擬杖等因具題  
查律內姦夫自殺其夫者姦婦雖不知情絞監候又律註內其夫縱

殺死姦夫

一百五十

卷一百一十人命

刑部



容妻妾與人通姦後姦夫自殺其夫姦婦果不知情者仍依縱容木條科斷等語今李進孝令伊妻賈氏與白純月通姦白純月勒死伊人之時賈氏雖不知情第白純月兩次向賈氏言欲致死李進孝娶伊為妻之語賈氏以不應允並不告知伊夫以致李進孝不行隄防被勒身死該撫止將賈氏依縱容通姦律擬杖情罪未協應令該撫再行確查按律妥擬具題到日再議可也奉

旨依議

姦夫屢以殺害木夫告知姦婦姦婦並不攔阻防範且不肯告反捏詞往驗似屬知情

乾隆三年二月刑部會議覆蔡永祿因姦謀死范氏之夫陳愷一案據安撫趙疏稱陳愷傭工度日携妻范氏并帶子女賃居蔡永祿之屋乾隆元年七月內范氏與蔡永祿調戲成姦常以夫貧為憂蔡永祿遂起心圖佔答以等我打死你丈夫養你母子范氏以蔡永祿戲言即答以打死他要你養活我一家蔡永祿蓄謀定計迨十月十四日陳愷覓得工錢六百文回家欲為妻置買衣衫蔡永祿乘機約與同往次日陳愷邀同蔡永祿携錢帶酒永祿暗携小刀同至山僻澗處坐歇取酒飲畢蔡永祿故以陳愷不能養妻之語激辱陳愷怒罵蔡永祿即拾石擊傷陳愷頭顱太陽腦後偏左偏右殞命將屍拖至澗邊又擦傷脊背後肋猶恐復甦又以刀割其腎莖腎囊脫其裝



脚携回銅錢交還范氏范氏盤問蔡永祿告知情由范氏啼哭被蔡永祿恐嚇乃止范氏慮夫屍暴露惶稱伊夫出門兩日未回聽聞山澗倒有死屍免伊親徐子建同往看認鳴保驗明各認不諱嚴訊范氏堅稱實在蔡永祿一人造意並未同謀將蔡永祿等擬以斬絞等因其題查蔡永祿欲將陳愷毆死圖佔范氏為妻與范氏問答已非一次若范氏果有不忍言夫之心則永祿偕同陳愷外出時值半夜途次絕無行人范氏何不慮及前言乃任其隨往並不防範且永祿回家卽以致死實情告知并將錢文暴脚付范氏收藏范氏卽為容隱越二日捏稱聽聞山澗倒有死屍投明伊戚徐子建同往收屍仍不將實情首出若謂范氏非知情同謀恐屬狡飾事關因姦謀殺親夫重案未便率結應令該撫再加嚴審務得實情定擬到日再議奉

寺辰議

因姦致死本夫

雍正十二年四月刑部等會議得叅革懷遠縣知縣李經濫刑斃命一案據江督高 疏稱緣有張圪寺路旁死一受傷無名男子李經親往相驗傳訊地隣因地主施坤離屍所不遠疑其知情適施坤外出卽將施坤子姪施君佐等拘拏夾檄嚇詢押訪克犯差役郭斌等共得施坤錢三千六百文旋據施坤訪聞死屍名喚張豁牙有張大元知殺人之事稟縣拘獲張大元到案先則狡供張豁牙與劉方偷年維家牛隻被事主追趕打死及傳年維等到案偵供並無其事隨刑訊張大元始供出劉方圖姦張豁牙之妻張氏遂與張大元商謀劉方持棍張大元持刀將張豁牙打斃致死時有劉方之弟劉佐在旁拏燈火照亮并帮同抬屍情事隨聞拏劉方等到案刑訊始將圖姦謀死擡屍情由供認不諱嗣尋經復訊張氏是否知情又將劉方



夾訊一次比時張氏患病未審劉方得染傷寒身故張大元亦染時症病故李經先因獲犯報遲難報病故繼經南報劉方病故不便又報張大元遂將拿獲各犯日期改捏具報至張氏有無知情之處雖張氏堅供係夫死後成姦不知謀情但據屍姪張二供稱五月內見劉方在伊嬸房內睡覺等語其為因姦謀死無疑歷審不諱將劉佐等依律擬以流杖等因具題除造意謀殺之劉方為從加功之張大元俱在監病故張氏于取供後管押在外病故均不議外應如該督所題劉佐合依謀殺人從而不加功律僉妻流三千里至配所責四十板該督既稱刑書蔡成章招房楊志公各得錢六百文差役郭斌楊相張福共得錢三千文俱合依受有事人財計贓以枉法論一兩至五兩杖八十無祿人減一等律各杖七十俱照例先行折責革役所得贓錢係本人告發照追給還等語均如該督所題完結再查懷

遠縣知縣李經因二叅承審盜案遲延革職留任續經安撫程以濫刑斃命題叅革任發審今既審明劉方實係此案確兇法應刑訊且係患病身死並非刑斃應將李經原叅革職之案照例准其開復仍于補官日革職留任其輒行夾拶施坤之子姪應照將不應夾訊之人行夾例補官日降一級留任又失察書役得贓不及十兩應照失察衙役犯贓不及十兩例補官日再罰俸一年又改易獲犯病故日期照例于補官日再罰俸一年查李經任內原有加一級紀錄二次應銷去加一級抵降一級免其降級銷去紀錄二次免其罰俸一年又監斃劉方張大元之官獄官典史張嘉椿照例罰俸三個月可也奉

旨依議



與翁通奸殺死本夫情事未確

乾隆三年六月刑部會議覆張巡與抱養兒媳王氏通姦以致王氏  
 殺死親夫張至聲一案據寧古塔將軍吉黨阿等將王氏依妻妾謀  
 殺親夫律凌遲處死張巡因婦自殺其夫姦夫果不知情止科姦罪  
 姦乞養子之妻者比依姦妻前夫之女律擬徒柳責等因咨達前來  
 查王氏供稱因公公與我通姦後又抱我親嘴被我丈夫看見于二  
 更時睡在炕上罵我遂取刀向我丈夫頭顱砍去砍空將枕頭砍了  
 我丈夫站起向我亂打我用頭一撞他隨即跌倒我借力將伊按住  
 他兩手亂抓將我頭髮揪住不放我欲掙脫頭髮將刀用力一割髮  
 斷他又用手亂撲我向手一砍砍中右手掌他抽手時我騎在身上  
 向伊脖項鋸割并將伊腦後脖頸砍傷身死並無同謀加功之人等  
 語查王氏殺死伊夫如果無加功之人王氏舉刀向砍之時因未砍



中張至聲遂即站起向撲王氏係一女流何能復行按住張至聲既係壯年男子又已經起立性命相關豈有不行拚命拒敵并喊叫救護乃任其按住刀砍畢命再王氏供稱我騎在他身上向伊脖項鋸割并將腦後砍傷等語查張至聲脖項一傷深至於骨氣額已斷腦後一傷深亦至骨是張至聲既被騎壓仰面脖項被割氣額已斷自不能轉動又何至砍傷後面腦後深亦至骨看此多傷豈係少年女子一人所砍况張巡與張至聲卧房僅止一牆之隔豈有毫無聽聞且張巡與王氏樓抱親嘴之處既被伊子窺見更當早晚留心觀其動作焉有置之膜外默默無聞當屋內聲响張巡自必心怯疑及張至聲殺媳並及其身豈有安心穩睡竟不起視之理細核前後案情張至聲被殺其中不無同謀加功之人該將軍等並不詳細推究一任該犯捏詞巧飾輕為開脫幸關因姦謀殺重案應令該將軍再行

詳慎推究務得實情定擬具題到日再議奉

旨依議



謀殺本夫供情尚未明確

乾隆八年七月刑部會議覆賴氏與廖勝友通姦同謀致死本夫羅友章一案據署福撫鄂 疏稱羅友章娶賴氏為妻已育二男一女廖勝友與羅友章孰識在羅友章家同住合做火柴生理廖勝友乘羅友章外出調戲賴氏成姦後被羅友章知覺將廖勝友逐出自任廖勝友矚知羅友章患病敲門進屋與賴氏同睡賴氏囑令不可再來詎廖勝友起意謀殺羅友章長為夫婦賴氏先從廖勝友令賴氏持燈往照羅友章會否睡熟賴氏先行廖勝友隨跟進房見羅友章就睡遂取布被掩蓋羅友章頭上用左手按頭右手掐其咽喉羅友章微聲喊叫掙跌床下賴氏亦幫按兩脚廖勝友又用力掐住咽喉登時殞命屢審不諱將賴氏依律凌遲處死廖勝友擬斬立決刺字等因具題查審理因姦謀殺之案事關凌遲斬決當細繹前後確供



備取証佐供情傷供切實毫無疑義方成信讞今臣等細閱全招廖勝友將羅友章按指致死繩吊樑上假作自縊羅友章族兄羅友京聽聞賴氏啼哭往看見傷懷疑往告羅友章胞弟羅友振告發經前縣密拘該犯供認等情夫姦情曖昧謀殺重辟該前縣於據稟密拘賴氏廖勝友到案時如何詰供之處並未將取供錄叙無從查核且羅友章與賴氏結縲十二載生有二男一女是夜謀殺有無知覺何以並不取具確供復不將羅友章子女年歲幾何是否難以訊供之處聲明惟據賴氏供稱兒女都在別房睡熟一語竟置不問更難核議且羅友章被指時既低聲微叫復掙跌床下重經廖勝友按指致死因欲裝自縊情形繩拴屍項拖至廳堂令賴氏挈吊樑上是為時已久伊家諒非深房邃室何至聲息全無別無聽聞迨死後羅友京既看係自縊見有指磕傷及腰背肋脚皮破等傷何以不卽報官就

驗而檢驗時止係喉骨紫紅是否係被指血凝應有之傷其腰背肋脚是否傷痕俱未分晰聲明此案係檢骨驗傷務須傷供情事詳悉確切方無冤濫未便以斬磔重案草率完結應令該撫逐細查鞠詳錄供詞妥擬具題到日再議可也奉

旨部駁甚是依議



因姦殺死本夫隨與姦婦同逃其是否謀娶抑圖嫁賣未得實情  
乾隆七年 月刑部會議覆朱天成因姦謀殺邱聖章一案據浙撫  
常 疏稱朱天成與邱聖章之妻章氏通姦被邱聖章繼子邱聚寶  
窺破叫喊章氏將邱聚寶責打朱天成遁去後邱聖章同往販磚  
帶銀二兩錢四千文坐朱天成之船同行朱天成上岸沽酒至船共  
飲邱聖章飲醉睡熟時至三更朱天成輒息姦事恐被知覺頓起殺  
機摸取船內柴斧擊邱聖章偏右骨碎邱聖章跳起朱天成擎住擊  
其右肋又將邱聖章右手食指砍下殞命推屍入河朱天成遇熟識  
之朱 詭稱看戲令其往喚邱聖章章氏問知朱天成在廟令朱  
看家自赴廟中向朱天成查問伊夫下落朱天成告知已將其夫殺  
死章氏啼哭卽欲喊叫朱天成按住其口嚇令勿得聲張并約日同  
逃章氏因事起姦情被赫隱匿携帶幼子潛入朱天成船內同逸屢



審不諱將朱天成等擬以斬絞等因具題查雍正七年四月內議准定例嗣後除因姦謀殺親夫並無拐逃姦婦知情仍照律擬罪外如有因姦謀死親夫之後將姦婦拐逃爲妻妾或得銀嫁賣者均擬斬立決等語今朱天成因與邱聖章之妻章氏通奸將邱聖章私行謀死告知章氏嚇勿聲張又復誘氏上船同逃出境囑氏暫往繼父汪云敘家居住被汪云敘投明保長將氏獲解該犯回縣探聽消息亦被差役拏獲是章氏雖審非同謀致死親夫而朱天成已有拐逃情事自應詳加究詰按律擬斷乃承審各官于朱天成誘令章氏同逃拐爲夫妻或希圖嫁賣之處並未訊取確供僅將該犯依因奸殺死親夫律擬斬監候殊未允協應令該撫再行詳鞫將朱天成等分別妥擬具題到日再議可也奉

旨依議

強姦和姦尚未審有確據不便率結

乾隆六年七月刑部會議覆涂述文因姦扎死禹子實并牛氏二命一案據河撫雅 疏稱涂述文與禹子實係結義兄弟涂述文至禹子實家探望窺見禹子實之妻牛氏少艾蓄意圖姦卽居住帮工禹子實出外牛氏厥懷孔子涂述文戲捏氏乳牛氏不語涂述文知其先從是晚禹子實未歸涂述文隨與牛氏通姦禹子實因涂述文性情暴戾屢言勸阻涂述文負氣回家復思慕牛氏欲尋舊好于更餘時乘禹子實在院睡熟潛至牛氏屋內行姦復與牛氏相商欲另買地招禹子實夫婦佃種正在話濃禹子實睡醒聽聞喝問牛氏欲掩已非亦佯爲聲喊涂述文卽拔身佩小刀往外奔走牛氏恐其傷害伊夫拉衣不放涂述文一時情急用刀扎傷牛氏臍肚倒地涂述文開門欲走見禹子實攔堵復用刀戳傷禹子實左脇禹子實知係涂



述文當卽提名喊叫移行數步倒地涂述文奔逸經禹子實之兄禹子信聽聞奔救禹子實已經身死牛氏僅存一息禹子信喚問牛氏稱係涂述文復問何故被扎止吐醜事難言一語旋即殞命屢訊不諱將涂述文擬以斬決奏請

定奪照例面上刺字等因具題查姦情爲風化所關讞獄以情理爲斷若情理稍有未符則姦情不無疑竇今涂述文明知禹子實在院睡卧而潛入行姦豈竟不畏禹子實知覺乃久談不休致被聽聞于情于理均不可信且牛氏如果與涂述文通姦則當禹子實聽聞喊叫之時牛氏必以涂述文之兔脫爲幸而乃拉衣不放手屬何心卽牛氏果拉住涂述文之衣而婦人力弱涂述文儘可掙脫何至下此毒手揆此情理實與和姦不同雖牛氏未死時曾有醜事難言之語而姦情無論和均屬醜事何得執此一語遂指爲通姦之確據至涂述

文所供捏乳調戲及後潛至床邊推醒行姦之處牛氏已死無証只憑究犯一面之詞尤未便據以和姦定罪雖殺死二命與強姦致死其罪同一斬決而姦情關係名節斷難含混完結應令該撫另行確審妥擬具題到日再議可也奉

旨依議



因姦謀殺親夫案內有主謀者另擬斬罪

康熙三十四年五月刑部會議江撫宋犖題前事查杜啟明向與孀婦李氏有姦後啟明見王秀之妻湯氏少艾又與湯氏姦好湯氏恐伊夫王秀知覺與啟明李氏商謀李氏首倡弄死之言啟明湯氏遂蓄殺害之心於康熙三十二年六月十三日夜乘王秀醉卧湯氏喚啟明到家啟明脚踏王秀之胸手抓腎囊湯氏捺頸持剪刺喉致王秀登時畢命啟明賄求地隣希圖滅跡給朱培銀五錢旋經朱培首報到官歷審情真湯氏合依因姦同謀殺死親夫律凌遲處死杜啟明合依姦夫律擬斬監候秋後處決李氏合依謀殺人造意律擬斬監候秋後處決甲長李君祿已知殺害情由不行首告合依知人謀害他人被害之後不首告律杖一百銀兩入官奉

旨湯氏着卽凌遲處死杜啟明李氏俱依擬應斬着監候秋後處決餘依



議 查此案驗屍止有顙門忍痛傷上下牙脫落牙骨淡紅色腎囊受傷之故詳奉撫院駁查腎傷在下何以透及頂心牙骨有無成案可稽復訊作供稱係祖傳檢驗成書凡腎囊受傷疼痛難忍將牙齒咬着故牙落血凝在骨裡奔往頂心

僕人不知謀殺情由擬主使為從并僕人自首免罪因其告主擬徒又屍妻被逼成姦免議

康熙三十九年七月刑部會看得官保住窺秦雲程之妻徐氏少艾遂哄雲程攜妻同至定興縣東留村居住借與雲程錢一十三千文貿易未及兩月保住將本錢收回雲程即欲挈妻而去保住以利息未清留徐氏為質雲程無奈獨自往京保住乘機逼姦徐氏不從迨後伊夫回家徐氏訴知雲程出言不甘保住聞知于康熙三十七年十一月十二日夜將徐氏另禁別房抱住雲程喝令伊僕張成綱張可春郝肥全三人用繩細綁保住脚踢雲程右乳繼以蒜臼打傷額角復合成綱等將雲程抬入倉房遣開各僕自將雲程用繩勒死于二更時分同成綱等將雲程身屍駝入藍溝村井中復將徐氏逼打成姦而張成綱恐事發又因徐氏求其告理成綱遂於三十八年四



月二十七日首告歷審情真官保住合依謀殺人造意律擬斬係旌人解部監候秋後處決張可春郝肥全聽從主使細縛不知謀殺之情合依威力主使人毆打致死者為從減一等律杖一百流三千里遇熱審減等應各杖一百徒三年張可春係旗人解部枷號四十日鞭一百郝肥全該撫既稱是否保住家僕提驗文契另行歸結應俟該撫查明文契照例完結張成綱自行首告應免罪但係控告伊主官保住仍合依奴僕告家長者與子孫罪同杖一百徒三年律遇熱審減等杖九十徒二年半亦係旗人解部枷號三十五日鞭九十徐氏係官保住勒死伊夫之後強逼成姦並無通姦謀害之情相應免議奉

旨官保住依擬應斬者監候秋後處決餘依議

因姦謀殺本夫得財同強盜論被誣移屍問杖遲報命案處分

康熙四十年三月刑部會看得呂二謀殺林起芳一案據直撫李光地審擬斬杖具題查呂二往來林起芳家因起芳時常經營外出呂二與起芳之妻李氏通姦後氏有孕呂二恐事敗露遂起意謀殺起芳于康熙三十八年十二月二十六日知起芳往天津買貨即暗藏鉄斧詭言幫携物件同行迨至中途起芳蹲地吃烟呂二持斧砍擊起芳頃心等處當時畢命復又潛回同弟呂四將起芳之屍納于遠年破櫃之內所有錢物呂二取用後起芳母陸氏往野拾柴見棺內所露衣服認獲子屍始行控告歷審情真除李氏供後病故不議外呂二合依謀殺人因而得財者同強盜論律擬斬立決呂四合依地界內有死人不報官司而輒移他處者杖八十律係為從減一等杖七十折責二十五板現獲銀衣給主未獲錢米等物照例追賠又該



撫疏稱監斃李氏之清苑縣管獄官典史雷潤相應指叅其林起芳係康熙三十八年十二月內被殺于三十九年五月內始據告發武清縣知縣章會印隨即通詳並無隱諱可否邀免統聽部議等語查定例內官員所屬地方有殺人之事不知情不行查出者降一級留任等語應將武清縣知縣章會印照例降一級留任又定例外省獄內監斃一人者罰俸三個月等語應將清苑縣典史雷潤罰俸三個月奉

旨呂二着卽處斬餘依議

因戲人妻致傷本夫身死

雍正十年七月刑部議覆蘇撫喬疏稱南漚縣民朱良與張寶六素無嫌隙緣朱良之姊夫陳奇係張寶六近鄰朱良時常往探伊姊因與張寶六之妻陸氏認識雍正九年五月初五日節屆端陽朱良至姊家飲酒醉歸經過陸氏門首值張寶六隨父張大在田刈麥朱良見陸氏年少獨處進屋調戲陸氏喊叫朱良卽出戶而去張寶六聞聲奔回詢知情由追至路上扭住朱良責罵朱良卽用拳連毆張寶六右太陽胸膛因張寶六仍不放手朱良復踢其臍肚當晚殞命歷審自認朱良除調戲陸氏輕罪不議外應依律擬絞監候等因具題朱良合依聞毆殺人者不問手足他物金刃並絞律擬絞監候奉

旨依議



因女與人私通被塔辱罵起意害塔洩忿

雍正五年 月刑部會議覆東撫塞 疏稱恩縣民婦王氏與伊父  
王東科謀死其夫王一文一案查王氏不守婦道與王一文族弟王  
賓私通被一文撞遇王賓奔逸王一文忿毆王氏至伊父王東科家  
辱罵而歸王東科護女許以謀害王一文王氏聽從王東科誑王一  
文至家飲酒暗令賈三等攜帶麻繩先至坡下等候王一文更餘回  
家胡五薛亮上前按住賈三用繩勒其脖項殞命將屍抬棄河內王  
一文之姊張王氏因弟無踪向王氏再三根究王氏答以遠出支飾  
王一文家工人陳思位赴張王氏家拜節被張王氏盤詰思位將竊  
聞王氏告語之言說出當據張王氏控縣拘獲王東科等歷審各認  
不諱將王氏等擬以凌遲絞戍杖罪等因具題應如該撫所題王氏  
合依謀殺夫律凌遲處死王東科許女謀害王一文應爲首論合依



尊長謀殺外姻卑幼律擬絞監候秋後處決胡五薛亮俱合依謀殺人從而不加功律僉妻流三千里至配所杖一百折責四十板王賓合依軍民相奸例枷號一個月滿日杖一百折責四十板王東科之妻王氏法得彼此容隱應無庸議脫逃之賈三獲日另結奉

旨王氏着卽凌遲處死王東科胡五薛亮俱依擬應絞着監候秋後處決餘依議

追捉姦夫被姦夫棍毆身死

雍正十一年二月刑部會議覆蘓撫喬 疏稱崇明縣民陸大與國良同村相好時相往來陸大乘巖國良在外傭工勾引伊妻喬氏成姦雍正九年七月初八日喬氏在田鋤花陸大相幫拔草詢知國良外出復約夜間往姦喬氏以贅壻沈倫住居閒壁囑令謹防而散陸大遂于是夜持木棍防身假稱與人打架往邀佃戶郭二郭二卽帶竹頭同行又遇佃戶陳八陸大亦邀其偕往及至國良門首郭二問其與何人相打陸大始將約姦防捉之事告知郭二陳八遂卽立于門外陸大肩門入室上床手摸喬氏不期國良已回同睡以致悞摸國良頭面國良驚喊有賊沈倫聞聲起持鋤柄趕捉陳八畏懼先遁郭二被沈倫趕毆卽以竹頭還打沈倫左肩甲而逸嗣陸大跑出沈倫又追毆陸大陸大復用木棍毆沈倫肚腹左邊而回沈倫至十



一日殞命審擬具題陸大合依因奸致死親屬例擬斬監候刺字郭  
 二毆非致命依餘人律杖一百陳八依不應重律杖八十但二犯相  
 幫護奸再枷號一個月喬氏照軍民相奸例杖一百枷號一個月聽  
 夫去留已經發落均毋庸議奉

旨依議 謹查陸大與喬氏乃係和姦並非強姦止應依罪人拒捕殺人

律科斷

妾因奸謀死正妻照妻謀死親夫科斷

康熙四十九年六月刑部會看得王氏與王守德因奸謀死馬氏一  
 案據直撫趙 審擬凌遲斬罪具題查王氏係已故栗之俊之妾曾  
 與之俊外甥王守德通姦被之俊嫡妻馬氏撞遇將守德斥逐以致  
 王氏懷恨於康熙四十八年九月初一日馬氏心痛病發令王氏煮  
 粥王氏隨將砒霜暗投與食復奔呼王守德至家告知下毒之故時  
 因馬氏尚未氣絕恐其復甦遂命守德接手王氏用帶套勒以致馬  
 氏登時身死歷審情真王氏應比照妻妾因奸同謀殺死親夫律應  
 卽凌遲處死王守德應比照因奸同謀殺死親夫奸夫處斬律擬斬  
 監候秋後處決奉

旨王氏着卽凌遲處死王守德依擬應斬監候秋後處決餘依議



聽從母命加功殺妹照故殺爲從

康熙三十年 月刑部會看得吳章文趙氏謀殺曹秀女一案據  
安撫江 審擬斬杖具題查吳章文窺趙氏二女少艾與趙氏結爲  
母子以便往來後次女曹秀女許嫁劉世龍于歸兩月趙氏隨即接  
回任吳章文奸佔二載生育私孩趙氏恐世龍理論反行捏控該縣  
將秀女斷回夫家章文恨拆舊好首起兇謀囑令趙氏勒死秀女趙  
氏被逼于康熙三十年正月二十九日帶長女曹氏至劉家逼秀女  
偕歸未允趙氏卽解腰帶套秀女頸項復令長女助勒以致登時斃  
命歷審情真吳章文合依謀殺人造意律擬斬監候秋後處決趙氏  
聽從章文勒死秀女合依故殺子孫者杖六十徒一年爲從減一等  
律杖一百遇熱審減一等杖九十係婦人照律收贖曹氏亦與吳章  
文通奸除故殺妹爲從徒罪收贖不議外合依軍民人等通奸例枷



號一個月責四十板遇熱審減等杖九十折責三十五板奉旨吳章文依擬應斬着監候秋後處決餘依議

姦夫謀害姦婦之子傷而不死

雍正元年 月刑部會議覆准步軍提督拏送應赴僧二和尚奸拐李大姐并欲謀害劉大之子柱兒一案夾訊二和尚供我係正白旗哈堂阿佐領下常圖家人于康熙六十一年六月內到玉田縣三女河地方三官廟內爲僧今年二月內我到京來看我父母住下六里屯這劉大之妻李大姐與我父親同院居住因他窮苦我幫助他些柴米隨與他通姦被伊子柱兒知覺告訴他父親劉大劉大隨同李大姐拌嘴我原與李大姐商量要謀害柱兒李大姐依允我于三月二十八日將柱兒誘至海子三間房地方將他捺在井內又拏磚頭石塊往井裡打了幾下見了人來我即跑了後來不知何人將柱兒撈出送回他父親劉大向我父親韓三說知要將我趕出去我又與李大姐逃走到人牙子劉二家住下次日同劉二將李大姐送至義



父白大家居住我回來探信被劉大遇見喊叫被獲等語李大姐與二和尚供同查律內謀殺人傷而不死造意者絞監候等語今二和尚係出家之人不守清規將劉大之妻李大姐行姦誘拐又倡意謀害其子淫惡已極應將二和尚勒令還俗照謀殺人造意律擬斬監候秋後處決李大姐合依和同被誘例係婦人枷號兩個月杖一百責四十板劉二假充人牙將李大姐容留行姦又希圖銀錢復同二和尚送李大姐至白大家住歇情屬可惡應將劉二照藉充人牙賣姦圖利例枷號三個月杖一百折責四十板僉妻咨送戶部轉發黑龍江給披甲為奴日大將李大姐留住家內應將白大枷號兩個月杖一百今遇熱審減一等枷號一個月零二十五日杖九十折責三十五板李大姐交與伊夫劉大照例聽其嫁賣可也奉

旨二和尚依擬應斬著監候秋後處決餘依議

姦夫教唆姦婦告子不孝其子殺死姦夫依罪人應死擅殺滿杖雍正九年五月刑部會議覆偏撫趙 題衡陽縣民劉文一殺死姦夫段老五一案緣劉文一於雍正元年往滇貿易遺妻胡氏與母賀氏在家賀氏貪飲無恥招段老五認拜乾兒容留居住恣意宣淫并縱容段老五與媳胡氏通姦因懷有孕適劉文一於雍正八年五月歸家賀氏恐媳孕難掩當將劉文一逐出復聽段老五教唆捏以文一不孝控縣旋經保鄰鄧子學公保釋回迨九月十六日胡氏產下私孩文一訊問根由胡氏始稱與老五通姦所生又稱與賀氏亦有姦情并所告不孝亦係老五教唆文一一時忿激遂持刀前往將老五肚腹項頸等處殺傷登時殞命研訊文一雖為母諱姦俯首認抵但供案確鑿眾口如一段老五唆使賀氏誣告劉文一不孝掩飾姦情已有應死之罪胡氏係伊姑縱容通姦劉文一胡氏擬杖賀氏擬



以柳賁等因具題查律內姦夫教令姦婦誣告其子不孝依謀殺人  
造意律又律內罪人應死而擅殺者杖一百等語段老五教唆賀氏  
誣告劉文一不孝掩飾姦情已有應死之罪劉文一念激輒將段老  
五殺死應如該撫所題劉文一合依罪人應死而擅殺律杖一百折  
責四十板胡氏係姑賀氏縱容通姦應照律杖九十賀氏除縱容子  
孫之婦與人通姦輕罪不議外合依軍民相姦例枷號一個月杖一  
百各折責俱不准折贖奉

旨依議

因姦姑同謀殺媳未便依謀殺爲從律科斷

乾隆九年四月刑部會議叢郝九二與呂翟氏通姦勒死呂張氏一  
案據晉撫劉 疏稱緣郝九二與翟氏之子呂星燃交好往來無忌  
乾隆七年九月內郝九二與呂星燃聚談呂翟氏將郝九二喚至後  
院兩相戲謔嗣郝九二即與呂星燃合夥前往湖廣貿易至乾隆八  
年二月內偕歸初十日晚郝九二因呂星燃有長用銀兩往討星燃  
外出郝九二用言挑誘遂與呂翟氏通姦十三日晚正在室宣淫呂  
星燃之妻呂張氏撞見翟氏輒捏呂張氏忤逆復爲尋釁角口呂星  
燃聽聞持刀嚇罵呂張氏懼奔母家氏母張喬氏送往三次呂翟氏  
堅拒不收并令呂星燃寫給休書張喬氏控縣經縣斷歸完聚四月  
二十日郝九二幫同呂星燃力作晚歸飯畢呂星燃先赴就寢呂翟  
氏因有次子呂庚娃在旁遂令詒出用酒灌醉扶歸睡臥呂翟氏乘



間與郝九二商謀將呂張氏勒死作為自縊郝九二允從呂翟氏即解腿帶偕同郝九二至呂張氏所住院內撥窻入室郝九二用手掩口騎壓身上呂翟氏持帶穿繞呂張氏項頸拉勒呂張氏不能出聲兩手亂抓郝九二鬆手又捻住呂張氏左右胳膊并脚端左手背用力狠勒立時殞命呂翟氏恐其復甦令郝九二拳毆呂張氏左肩甲胸膈呂翟氏亦取皮繩打傷呂張氏額額偏左將屍懸掛而出屢審不諱郝九二擬絞刺字呂翟氏擬流等因具題查律載二罪俱發以重者論又律若因姦威逼人致死者斬又律謀殺人從而加功者絞各等語今郝九二與呂翟氏通姦被伊媳呂張氏撞見呂翟氏恐事敗露始而逼子休妻繼而密謀殺害郝九二在謀殺之時雖屬從而加功而原其本始則屬因姦致命如使呂張氏因休棄之故媿憤自盡郝九二猶應以因姦威逼致死論斬今因幫助下手謀殺之故轉得從輕擬絞殊未允協應令該撫詳玩律意悉心妥擬具題到日再議可也奉

旨部駁甚是依議



妻母因竊情被堵窺破卽同姦夫刀砍斃命

乾隆四年五月刑部會議覆英德縣應付僧授持與張氏謀死劉斗壽一案據署廣撫王 疏稱緣劉斗壽爲張氏之婿張氏之母曾氏改適童英谷爲妻張氏遂叫童英谷爲繼父授持亦認童英谷爲同年父彼此往來素相熟識乾隆二年二月十三日張氏授持先後至童英谷家探望兩相會遇授持乘無人在旁頓起淫心向捻張氏之手欲與通姦張氏先從遂出門外灰寮成姦十二月二十四日張氏往寺後割草又與授持在禾寮行姦適被劉斗壽在山牧牛窺見告知張氏夫族童連燕童連燕卽喚童發先偕同劉斗壽與授持理論授持將銀三兩二錢送與童連燕童發先均分另給童發先偏手銀三錢劉斗壽銀一兩八錢各散迨童英谷聞知往寺嗔罵授持亦給銀六錢賄求隱匿乾隆三年正月二十八日張氏復與授持在于禾



案行姦仍被劉斗壽見而告知童英愛童連蕃童連玉隨同至寺聲  
言稟寃授持設酒共飲并給銀二兩四錢與童英愛等三人均分劉  
斗壽亦得銀二錢四分互相容隱授持以被索銀兩皆由劉斗壽洩  
露遂欲謀死劉斗壽消忿商知張氏張氏允從授持遂約張氏於二  
月初九日携刀哄誘劉斗壽至寺後溝坑夥同致死張氏如期携帶  
菜刀前往劉斗壽門外尋遇劉斗壽捏稱溝坑有翠鳥雀喚同往取  
劉斗壽跟往授持上前用纏腰布帶縛掩其口主使張氏舉刀動手  
張氏扯住劉斗壽髮辮將刀連砍劉斗壽手背頂心偏右額顱斃命  
時有劉君明之妻陳氏在對嶺鋤地望見叫喊張氏授持隨各走回  
陳氏驚懼旋歸路遇劉斗壽之父劉仁豹自田工作而回陳氏告以  
伊子被殺情由劉仁豹奔往溝坑看明即至寺欲向授持拚命并聲  
言告寃授持給銀五兩五錢賄求免報劉仁豹復向張氏

亦給銀一兩五錢遂將屍掩埋匿不具報旋據該縣陳洪範訪聞拘  
犯驗詳屢審不諱授持張氏除和姦及以財行求各輕罪不議外將  
授持依謀殺人造意律擬斬監候照例刺字張氏係劉斗壽妻母乃  
外姻總麻尊長查律內尊長謀殺外姻卑幼已殺者依故殺法故殺  
總麻卑幼亦止於絞又律載謀殺人從而加功者絞二罪相等從一  
科斷將張氏依從而加功律擬絞監候劉仁豹童連燕童發先童英  
谷童英愛童連蕃童連玉等分別擬杖等因具題應如該署撫所題  
授持合依謀殺人造意律擬斬監候秋後處決照例刺字查律載毆  
殺總麻卑幼者絞監候又律載謀殺人從而加功者絞監候等語總  
麻尊長毆殺既與常人一體擬絞則謀殺加功亦應與常人一體擬  
絞應如該署撫所題張氏合依謀殺人從而加功律擬絞監候秋後  
處決該署撫既稱屍父劉仁豹聽賄私埋除受賍一兩之上計駐准



竊盜論輕罪不議外合依子孫被殺而父母私和律杖八十童連燕  
 合依恐嚇取人財物計贓准竊盜論加一等律一兩之上杖七十加  
 一等杖八十童發先童英谷童英愛童連蕃童連玉為從減一等合  
 應杖七十俱免刺照例先行折責發落各犯所得贓銀照追入官劉  
 斗壽所得授持銀二兩零四分應予免追等語均應如該署撫所議  
 完結奉

旨授持依擬應斬張氏依擬應絞俱著監候秋後處決餘依議

酒後借宿圖續舊好因不遂欲怒毆傷人致死

雍正十二年四月刑部會議高六戳傷陳氏身死一案據蘓撫喬  
 疏稱緣高六籍隸山東前至江都縣歇寓王詩成驛店王詩成貪利  
 縱妻卞氏與高六通姦迨高六去後王詩成遷居高六復至江都途  
 遇王詩成王詩成告知遷居緣由高六遂至王詩成家看望王詩成  
 沽酒留飲至黃昏時分高六酒醉借宿王詩成不允高六辱詈卞氏  
 因埋怨王詩成不應留飲高六遷怒持小刀趕戳卞氏王詩成攔阻  
 高六戳傷王詩成左肋脊背王詩成之母陳氏上前救護高六又戳  
 傷陳氏肚腹卞氏護姑奪刀又被戳傷眼胞手指陳氏傷重越三日  
 殞命王詩成卞氏傷輕平復歷審不諱將高六等擬以絞杖等因具  
 題查高六先與卞氏通姦後因王詩成留飲即思借住致卞氏埋怨  
 伊夫而高六輒持刀趕戳卞氏併戳傷王詩成又復刀戳陳氏肚腹



重傷明係因姦殺死人命似此悍惡兇暴該撫僅以鬪毆律擬絞情罪不符應令該撫另行按律妥擬具題到日再議可也奉

旨依議

因姦族姦致死無服弟妻照鬪殺律科斷

康熙五十八年三月刑部會看得廖成榜戮死無服弟廖天保未婚妻勸姐一案據江撫白 審擬絞罪具題前來查廖成榜與無服族姦趙氏通姦日久于康熙五十六年二月初三日晚成榜與趙氏在伊家密內行姦適勸姐看見訕其醜態成榜令其勿語勸姐不甘出而詈罵并拾石拋打成榜摸取鉄鎗向嚇悞戮勸姐左腿是夜殞命歷審情真廖成榜除犯姦輕罪不議外合依鬪毆殺人律擬絞但事犯在

恩赦以前應免死減等僉妻流三千里至配所折責四十板仍向伊名下追埋塋銀二十兩給付死者之家趙氏照通姦例枷號一個月折責四十板奉

旨依議



因追姦拒捕傷死本夫之弟

雍正十三年五月刑部會看得茂名縣民楊今賓因奸拒捕毆死李  
 孫壽之弟李孫田一案據廣撫楊 疏稱緣李孫壽貧無棲址携妻  
 陳氏并弟李孫田附居楊今賓屋旁至雍正十一年正月內李孫壽  
 向楊今賓借錢四千文作本營生楊今賓常往李孫壽家正月十六  
 日乘李孫壽兄弟外出遂與陳氏調戲被李孫壽回家撞見楊今賓  
 以每年給銀十兩包奸陳氏李孫壽應允言明前借之錢免其償還  
 旋又給穀二石由是縱姦無忌惟李孫田時常外出不知情由三月  
 十八日李孫壽赴墟未回李孫田傭工外出楊今賓潛入陳氏房內  
 行姦適李孫田回家聞知房內有人攔門捉姦楊今賓欲逃無路卽  
 拾柴棍毆傷李孫田偏右李孫田搥入捉拿楊今賓圖脫情急復用  
 柴棍毆傷李孫田右耳根倒地李孫田傷重登時殞命李孫壽回家



見弟已死欲行告究楊今賓許錢求息歸家取銀十兩交與李孫壽  
收受遂同楊今賓將屍包裹楊今賓復給錢一百文催令工人薛瑞  
參楊今高連夜擗埋嗣經李孫田堂兄李培查知赴縣具控歷審不  
諱將楊今賓等擬以斬徒杖罪等因具題應如該撫所題楊今賓合  
依罪人拒捕殺人律擬斬監候秋後處決李孫壽除縱姦輕罪不議  
外合依卑幼被殺而尊長私和者減卑幼一等杖七十徒一年半律  
徒一年半至配所杖七十折責二十五板俟徒限滿日回籍飭令地  
方官嚴行管束不許出境該撫既稱陳氏合依縱容犯姦律杖九十  
折責三十板離異歸宗薛瑞參楊今高審不知情但寅夜受催埋屍  
合依不應重律杖八十各折責三十板俱經先行發落等語應無庸  
議各犯所得之贓應照追入官奉

旨楊今賓依擬應斬着監候秋後處決餘依議

奸夫謀死親夫奸婦嗚呼等發落

雍正三年 月刑部會議覆東撫陳 題劉之用目姦殺死親夫一  
案奉

旨劉之用依擬應斬着監候秋後處決陳氏既不知情且因其叫喊將劉  
之用拏獲陳氏着從寬免死減等發落又奉

上諭姦夫殺死親夫姦婦雖不知情親夫之死實由其已經失節與人通  
姦之故擬以絞罪此律固不可改但陳氏一聞姦夫殺害本夫即行喊  
叫將姦夫劉之用指拏尚有不忍死其夫之心猶屬可憫若將此等婦  
人按律擬罪而必致之死恐將來犯此等情事之人畏法律之嚴及隱  
匿而不肯自行出首嗣後如有此等仍照律定擬加夾籤呈覽



奸夫謀死本夫奸婦喊稟減等發落

雍正六年七月九鄉會議覆湖撫馬 題安陸縣民錢敏若因姦謀  
死汪惠泉一案查王氏聞知伊夫被害再三盤詰錢敏若致死伊夫  
實情經該縣相驗時據實喊稟是王氏尚有不忍死其夫之心其情  
猶屬可原應將王氏免死減等照例枷號兩個月責四十板奉

旨依議

姦夫毒死本夫本婦告發

康熙四十四年九月刑部會看得劉克賢毒死郭狗子一案准直撫  
李光地審擬斬杖具題查郭狗子縱容伊妻趙氏與劉克賢通姦後  
克賢復至其家狗子嗔其不與趙氏珠帛卽奪其烟袋荷包爲質克  
賢恐人訕笑免劉孔民併狗子母舅孫復耀給銀二十兩贖回克賢  
因而懷恨于康熙四十三年四月初三日狗子往克賢家吃酒與蜜  
克賢遂將預買之信研末入酒同蜜令義子劉來存轉給狗子持回  
調飲毒發至夜半畢命克賢盧事敗露次早持銀三兩央劉定寰交  
劉四麻轉交孫復耀給屍父郭九霄買棺速埋復親許九霄銀五十  
兩聽從掩埋旋經趙氏告發歷審情真劉克賢合依用毒藥殺人律  
擬斬監候秋後處決劉來存不知謀情合依過失殺人者准鬪殺罪  
論依律收贖給付被殺之家律應于劉來存名下追營墓銀十二兩



四錢二分給付屍親收領趙氏先係伊夫縱姦後經告發毒死情由合依縱容妻妾與人通姦律杖九十折責三十五板應令歸宗郭九霄合依子孫被殺而父母私和律杖八十折責三十板劉孔民合依私和姦事減和姦罪二等律杖七十折責二十五板孫復耀合依小功卑幼被殺而尊長私和者依服制減卑幼一等律杖一百折責四十板劉定寰劉四麻合依常人私和人命律杖六十各折責二十板不行稟報之鄉約劉志昌合依不應重律杖八十折責三十板郭九霄所得買棺銀三兩照追入官奉

旨劉克賢依擬應斬着監候秋後處決餘依議

姦夫致死本夫姦婦令子告雪減等完結

雍正十一年六月刑部會議准江撫謝 疏稱尹蒂先寄居萍鄉燒賣石灰營生與張必達同爨原無避忌尹蒂先意在圖姦乘張必達父子外出卽與鄧氏通姦後被氏子張連生遇見告知伊父張必達逐出尹蒂先拒絕往來後鄧氏與子外出尹蒂先復至向張必達索還舊欠致相詈罵尹蒂先卽揪張必達左耳倒地以手又其咽喉張必達欲毆尹蒂先卽拾棍毆其右手腕肩甲頂心左右及額顱眉毛左右腮脰并戳其唇脣牙齒登時斃命適鄧氏同子張連生砍柴而回驚見夫死扭住尹蒂先拚命蒂先圖脫又以棍打鄧氏額顱倒地張連生畏其克橫不敢近前尹蒂先走脫控縣拏獲歷審不諱嚴詰鄧氏實不知情將尹蒂先擬斬等因具題應如所題尹蒂先合依因姦殺死親夫律擬斬監候秋後處決刺字該撫旣稱鄧氏見夫毆死



卽扭尹蒂先喊叫被其打傷旋令伊子控告伸冤情有可原而法無可貸等語應將鄧氏依姦夫自殺其夫姦婦雖不知情律應擬絞監候可也奉

旨尹蒂先依擬應斬着監候秋後處決鄧氏驚見夫死卽扭姦夫拚命及被毆倒地旋令伊子控告拏獲鄧氏從寬免死照例減等發落餘依議

先因被逼成姦後夫被害聞信卽訴知伊翁告雪從寬免議

雍正九年五月刑部會議覆蘇撫尹 疏稱長洲縣民項太屠宰爲業會在王雲山家宰猪因與雲山之妻周氏熟識雍正七年閏七月初八日項大乘王雲山外出於是夜潛進周氏房內嚇逼成姦王雲山之父王瑞卿知覺喊鄰扭獲解赴元和縣審明將項太周氏分別枷責發落遂絕往來十月二十七日項太帶刀出門爲人宰猪路過王雲山門首雲山見而扭打項太持刀相向王雲山喊同里鄰欲擒項太乘隙脫逃雲山稟明元和縣差拏項太懷仇蓄心謀害雍正八年三月十一日項太探知王雲山往陸墓鎮買鹽計其歸路必由紹聖橋經過遂帶刀預往橋邊潛伏田內候至更餘暗中見一人走過項太疑爲王雲山趨出扯住問係素識之蔣鳳卽行放走未幾王雲山持火走至項太看明俟其走過後趕上先砍王雲山腦後雲山



跌倒項太又連戳額顱左右太陽并混砍頂心偏右立時殞命屍交報縣驗訊嗣據蔣鳳將途遇項太情由告知周氏氏卽訴知伊翁王瑞卿稟拘項太歷審不諱按擬具題項太合依謀殺人律擬斬監候刺字該撫既稱周氏先被項太嚇逼成姦經伊翁擒獲告官發落以後金未與項太會面不知謀殺情事且一聞蔣鳳之言卽訴知伊翁稟究爲夫伸冤與現在與人通姦被人殺死本夫者不同應請免議等語應毋庸議奉

旨項太依擬應斬着監候秋後處決餘依議

因姦致夫受害後卽訴知夫兄告雪從寬枷責

雍正四年十月九鄉會議覆高郵州民紀四因姦謀死夏二一案據江撫張 將紀四丁氏擬以斬絞具題查夏二與紀四同村居住紀四曾與夏二之妻丁氏通姦後夏二欲遷往下河居住紀四聞知恐丁氏遠遷難續舊好頓起殺害夏二之意於雍正三年十一月初七日暗藏鐵斧誘夏二同往挑鹽黃昏時分行至楊蒲塘荒僻處所乘夏二不備卽出斧連砍夏二左額角左眉等處夏二立時殞命次日有同村婦人袁氏往彼割草見屍歸告丁氏氏往認明奔告夫兄夏天六紀四叫伊夫挑鹽疑爲紀四所殺夏天六遂指名控州將紀四拿獲歷審不諱除紀四因姦謀殺夏二照律擬斬情罪允當仍照刑部等衙門前議治罪外丁氏與紀四通姦致夫夏二被殺雖法無可寬但見夫被殺遂疑紀四所爲告知夫兄夏天六指名控州尚有不



忍死其夫之心情猶可憫應將丁氏免死減等照例枷號兩個月責四十板奉

旨紀四依擬應斬着監候秋後處決餘依議

被逼成奸原非樂從後知夫死根由囑叔告雪原情枷責

雍正十三年六月刑部會看得博羅縣民蔡亮叔因姦淹死李亞三埋屍一案據廣撫楊疏稱緣李亞三係蔡亮叔小功服兒蔡恭叔之僕蔡恭叔家貧着令李亞三夫妻另居覓食于雍正十二年正月內李亞三同妻葉氏僱于蔡亮叔家傭工蔡亮叔見葉氏少艾於正月二十六日乘李亞三外出入屋圖奸葉氏不從蔡亮叔持刀恐嚇葉氏畏懼聽從蔡亮叔欲圖常奸有碍其夫遂萌致死李亞三之念適於二月初十日晚埔前墟演戲蔡亮叔潛伏殺機喚同工人朱亞任與李亞三跟着往看二更時候三人同回先後行走蔡亮叔與李亞三先行至小陂尾河邊蔡亮叔轉身用手拉住李亞三衣領欲推下水李亞三掙閃在旁蔡亮叔用拳連毆李亞三右肋左後肋李亞三側跌礮下聲叫救命蔡亮叔跳下用脚踏住李亞三右肋急喚朱



亞任相幫朱亞任聞喊趨視驚問因由不肯動手蔡亮叔忿怒恐嚇朱亞任畏勢不得已揪住李亞三膀脚幫擡入水李亞三掙動蔡亮叔恐其復起赴水搭住李亞三咽喉立時殞命蔡亮叔拉屍上岸令朱亞任看守奔回取備繩棍鋤復令工人朱亞二將屍網縛一同擡至桐子桃地方掩埋而歸葉氏是夜見夫未回次早向蔡亮叔訊問蔡亮叔詭稱有事他往葉氏歸家旋即患病蔡亮叔以李亞三既死正擬往奸詎葉氏臥病纏綿未得遂欲屍弟李亞五於三月初五日前往探望葉氏告知李亞三火出未回之由叔嫂猜疑李亞五令葉氏再往跟問下落葉氏復帶病親往蔡亮叔家盤問蔡亮叔隨口吐出李亞三已死葉氏聞言啼哭蔡亮叔恐嚇不許聲張葉氏歸告夫弟李亞五着令赴縣具控蔡亮叔風聞逃匿嗣經緝獲究出實情歷審不諱將蔡亮叔等擬以絞流杖罪等因具題應如該撫所題蔡

亮叔除通姦移屍各輕罪不議外合以故殺小功親奴婢律擬絞監候秋後處決朱亞任合依威力主使下手之人為從減一等律流三千里至配所杖一百折責四十板該撫既稱朱亞二被擄移屍合依移屍為從律杖七十折責二十五板已經照例先行折責發落等語應無庸議再該撫疏稱葉氏應照奸夫自殺其夫奸婦雖不知情律擬絞監候秋後處決但葉氏係被蔡亮叔持刀威嚇逼令成奸一次旋即告知其夫李亞三及至李亞三被蔡亮叔致死之後輾轉查問詢知夫死根由囑令夫弟控告以雪夫冤如照律擬絞情有可憫可否從寬免死減等枷責發落相應附疏聲明恭候

聖裁等語查李亞三葉氏係蔡亮叔小功兄之僕且現在蔡亮叔家服役蔡亮叔強逼成奸一次葉氏即訴知伊夫李亞三欲遠離虎穴李亞三未允而蔡亮叔業將李亞三殺死葉氏身被家長強奸夫被家長



殺死原與凡人通姦有間且又經詢知夫死情由嗚呼夫死慘告以  
孽夫冤葉氏可否照該撫所請以柳責完結之處恭候

諭旨遵行奉

旨蔡亮叔依擬應絞着監候秋後處決葉氏從寬免死着柳責完結餘  
依議

姦夫謀死本夫姦婦告知隣人拏究減等發落

雍正三年 月刑部會議覆潁州民黃瑞與王氏通姦殺死伊夫趙  
生一案據安撫李 審擬絞徒具題查黃瑞與趙生同住黃瑞  
與趙生之妻王氏通姦情密黃瑞欲圖與王氏久遠頓起殺害趙生  
之意於雍正三年九月初四日晚攜酒與趙生共飲見趙生醉倒于  
外間房內黃瑞至夜手執鎗頭撥開離門入內將趙生連扎胸膛右  
乳兩脇左腿等處立時殞命王氏聞响從裡房奔出已見伊夫被殺  
啼哭號叫黃瑞持鎗恐嚇不許聲張又叫同庄居住之李先威協帶  
同拾屍拋棄後王氏告知同庄居住之張光益將黃瑞拿獲送州歷  
審不諱除黃瑞取供後在監病故不議外王氏合依奸夫自殺其夫  
奸婦雖不知情絞律擬絞監候秋後處決擗屍之李先合依棄屍不  
失者杖一百徒三年為從減一等律徒二年半至配所杖九十折責



三十五核奉

旨王氏既不知黃瑞殺死伊夫情由又復叫喊告知同村張光益將黃瑞  
拿獲王氏從寬免死減等發落餘依議

因姦殺死親夫

康熙十六年六月刑部看得賴繼成因姦毆死方阿生先經臣部以  
陳氏知賴繼成毆死伊夫方阿生不行首告反爲繼成隱瞞顯有同  
謀知情駁行去後今據浙撫將陳氏等仍擬絞斬具題查阿生被打  
死之夜陳氏實緣日間以碎碗之故被夫詈罵投水有氏親黃仲彩  
勸回伊家同伊妻歇宿次日歸家不見其夫問賴繼成始告以黑夜  
打死之語氏恐首發到官吐露姦醜隱諱不首於已死之後實非同  
謀知情於未死之前訊之繼成亦稱毆死阿生念起一時非預有蓄  
殺之心陳氏合依姦夫自殺其夫者姦婦雖不知情律擬絞監候賴  
繼成依因姦殺死親夫律擬斬奉  
旨陳氏依擬應絞賴繼成依擬應斬俱着監候秋後處決餘依議



因姦謀死本夫

雍正五年 月刑部會議覆秀水縣民郁上鄉因奸謀死張悅山一案據浙撫李 審擬斬絞流杖具題查張悅山租郁上鄉之屋居住郁上鄉常免其妻王氏做鞋往來情熟因與王氏成奸雍正四年二月初五日張悅山遷居于日暉橋上鄉仍念王氏不置本月十二日悅山復過上鄉家上鄉留飲適張王氏之親姑乾母柳王氏來請上鄉代伊往買假珠見張悅山就于麩葉背出憎言上鄉輒萌欲害悅山之念知柳王氏之子柳二愚痴上鄉許柳王氏養老柳王氏依允訂期于本月十六日令柳王氏誘騙張悅山到家吃酒上鄉操舟繼往同飲至黃昏將張悅山灌醉假稱送其回去扶送舟中令柳二搖船載至錢家溪上鄉扶掖張悅山至船頭上推水淹斃歷審不諱郁上鄉合依因姦謀死親夫律擬斬監候秋後處決張王氏訊不知同



謀情事合依奸夫自殺其夫奸婦雖不知情律擬絞監候秋後處決  
柳王氏合依謀殺人從而不加功律杖一百流三千里係婦人決杖  
一百折責四十板餘罪收贖該撫既稱柳二合依知同伴人謀害他  
人不卽阻當救護及被害之後又不首告律杖一百遇熱審減一等  
杖九十折責三十五板已經發落等語應無庸議奉

旨部上鄉依議應斬王氏依議應絞俱着監候秋後處決餘依議

姦夫與姦婦已絕往來後因本夫途遇欲殺被戳身死仍將奸婦

擬絞

康熙五十九年二月刑部會看得胡自勉殺死袁一坤一案據湖撫  
張 審擬斬絞具題查胡自勉與袁一坤比鄰而居一坤之妻陳氏  
與自勉通姦後一坤知覺陳氏自勉各相畏懼遂絕往來康熙五十  
八年四月十七日傍晚一坤携刀出門代人宰猪途遇自勉一坤持  
刀欲殺自勉自勉情急隨取所帶防身鐵尺格落其刀打傷一坤後  
右肋又拾刀砍傷太陽等處一坤當卽殞命歷審情真胡自勉合依  
故殺律擬斬監候秋後處決陳氏合依姦夫自殺其夫姦婦雖不知  
情律擬絞監候秋後處決奉

旨胡自勉依擬應斬陳氏依擬應絞俱着監候秋後處決



通姦隔絕已久姦夫見財謀死親夫姦婦免死枷責

雍正七年九月九卿會議覆江撫張 題龍南縣民溫受祿謀死溫  
爵士一案將溫受祿除因姦謀死親夫輕罪不議外依謀殺人因而  
得財者斬決劉氏依姦夫自殺其夫姦婦雖不知情絞候等因具題  
奉

旨九卿議奏欽此臣等會查溫受祿與溫爵士同姓不宗康熙五十六年  
溫爵士租賃溫受祿之屋同居受祿遂與爵士之妻劉氏通姦至雍  
正二年爵士搬移別居自此絕情雍正六年二月十一日受祿知爵  
士接會有錢復圖姦劉氏并因從前曾借爵士穀五石未清頃起謀  
念輒携防虎鳥鎗至爵士家誘賭爵士卽帶錢一千二百文同行一  
更時分行至曠野溫受祿將鳥鎗點放正中爵士項頸倒地登時殞  
命受祿掠取銅錢將屍移至大路傍次早張維能經過認係爵士身



屍報知劉氏劉氏不知爲誰殺害遂經控縣審出從前姦情各認不諱審擬具題溫受祿仍照謀殺人因而得財同強盜論律擬斬立決劉氏雖曾與受祿通姦但隔絕已久受祿見財頃起謀心非專爲圖姦謀死親夫且劉氏遂經控縣情似可矜應將劉氏免死照軍民犯姦例枷號一個月折責四十板奉

二依議

姦夫自殺其夫姦婦不知情援免仍因 赦後逃走枷責

康熙六十一年五月刑部會看得王冲斗用繩勒死曹二一案據東撫李 將王冲斗等審擬斬絞枷號分別援免具題查曹二之妻劉氏僱與郝二做飯劉氏遂與郝二通姦康熙五十七年十月初二日郝二與劉氏行奸時被伊家工人王冲斗撞遇又與冲斗成姦至二十七日晚冲斗淫心復起登氏之門遇見曹二在家仍假稱往看與曹二飲酒至二更劉氏因伊母病相離咫尺歸往母家伴宿去後曹二飲醉言及郝二欠伊麥錢併不給伊妻工價之處忿怒聲言呈告且欲放火焚燒郝二房屋冲斗詈曹二無良曹二拾石欲毆被冲斗奪石還毆曹二背膊等處曹二昏暈倒地冲斗殺心頓起用藤繩勒曹二脖項殞命將屍墜井滅跡至五十八年二月內郝二又與劉氏奸生一女七月十六日將王冲斗等拿獲歷審各認情真王冲斗合



依故殺律擬斬監候秋後處決該撫既稱劉氏應照奸夫自殺其夫者奸婦雖不知情律擬絞但伊事犯在

恩赦以前應免死查劉氏同王冲斗在于

赦後逃走應將劉氏照和同被誘例枷號兩個月責四十板郝二照通奸

例枷號一個月責四十板已經發落無庸議奉

旨王冲斗依擬應斬着監候秋後處決餘依議

姦婦與人通姦後即自悔告知本夫辱罵姦夫被姦夫殺死

雍正六年 月

旨該督疏稱方上慶之妻張氏先與金十四通姦繼而追悔即行躲避並將情由訴知伊夫金十四不知復往窺視被方上慶辱罵兩相爭鬪金十四遂起殺機於昏夜取斧將方上慶砍死應將張氏追悔告知伊夫等情聲明而該部駁稱檢驗時未曾云告此語尚順若云追悔告知伊夫之處並無憑據金十四復至其家張氏見而躲避方上慶即將金十四辱罵此即張氏告知伊夫之證據若非張氏告知方上慶豈有一見金十四辱罵之理該部以非理之詞妄行駁詰不以衆人之訾議為慚若朕不行指出則外省之人必以為被部議朦混矣着部堂將強駁情由明白回奏



未婚之前與人通姦既婚之後本夫被殺照和姦律治罪

雍正十一年九月刑部會議覆廣撫全題福青之夫何嬰被何黃致死一案除律應擬斬之何黃于未經審訊之先該土官鎖禁班房畏罪自磕身死不議外查福青與何黃通姦年止一十五歲此時福青與何嬰尚無夫婦之義及既配何嬰之後何黃與之調戲福青郎行拒絕且將調戲之事直訴何嬰以致何嬰截去髮辮誓殺何黃何黃因圖保已命將何嬰殺死福青從主母房中倉卒而至見何黃持刀走去即在該土官處指名將何黃拏獲與現在通姦奸夫自殺其夫奸婦雖不知情者不同但福青先曾與何黃通姦合依奴婢相姦例杖一百折責四十板的決不行小心看守以致何黃畏罪自磕身死之土役馮魁楊壽均比照獄卒失于檢點致囚自盡律杖六十又稱遷降峒土官黃震中妄報福青同謀復將何黃鎖禁不嚴飭土役



小心看守致令何黃自盡相應附叅等語查定例斬絞人犯已上肘鎖自盡者免議等語其土官黃震中不行嚴飭小心看守之處毋庸議但不據實申報捏稱福青同謀殊屬不合應將黃震中照不據實申報例罰俸一年應令該撫按其品級計俸罰米移貯就近州縣倉內奉

古依議

未婚之女與外姻總服兄通姦致夫被殺照通姦律治罪

雍正四年七月刑部會議覆湖撫鄭 題天門縣民范又三毒死賈么狗一案查賈么狗自幼聘定熊襄臣之女五姑為妻范又三與五姑乃姑表兄妹遂與通姦又三知五姑遭嫁有期欲謀害賈么狗圖五姑為婦乃潛買砒毒藏置餅中帶至么狗家誑稱販有酥餅托么狗發賣隨出毒餅為樣誘令么狗嘗食毒發殞命歷審不諱范又三合依用毒藥殺人律擬斬監候秋後處決再該撫疏稱熊五姑審無知情同謀情弊其與又三通姦以致又三毒死么狗不便止依姦內外總麻以上親之律治罪但五姑係么狗聘定未成婚之女與已娶之妻不同難照姦婦雖不知情亦絞之律科罪而律又無室女與人姦通姦夫自殺其婿通姦之室女作何治罪之條應將五姑擬以柳號兩箇月責四十板聽候部議等語查律載姦內外總麻以上親者



杖一百徒三年又婦人犯徒流者決杖一百餘罪收贖但熊五姑因與范又三通姦以致伊婿賈么狗被范又三毒死應將熊五姑杖一百徒三年不准收贖折枷號四十日杖一百折責四十板范又三之父范識我不能約束其子合依不應重律杖八十係武舉照律收贖

表  
旨依議 附院駁司看據該司招解天門縣范又三與熊五姑通姦用藥餅毒死五姑之夫賈么狗一案人犯到本部院除經親審并詳批發外爲照夫婦乃人倫之本姦淫實風化攸關未便輕縱致干失出查律載因姦殺死親夫者姦夫處斬姦夫自殺其夫姦婦雖不知情絞等語今熊五姑與表兄范又三通姦以致又三用藥毒死五姑之夫賈么狗則五姑雖不知情律應擬絞而又三亦應照因姦殺死親夫處斬之律該司以五姑雖經許字么狗未適賈門尚未爲么狗之婦

難照姦婦雖不知情問擬止將五姑照姦總麻以上親之律問擬杖徒將又三問擬毒藥殺人者斬是將又三置因姦情由於不議而將五姑捨致死其夫於不論矣查禮載女子許嫁笄而字又云一與之齊終身不改則凡許嫁已字之女雖未成婚而夫婦之名分已定大義昭然招內旣稱么狗爲五姑之夫則五姑自當爲么狗之婦婦者對夫而言不獨爲女子已嫁之稱况五姑雖未與夫成婚而么狗實因其婦與人通姦而被殺也今若不照姦婦科斷是否不干部詰此案罪名有開出入不厭詳慎合行查議爲此牌仰該司官吏照牌事理卽將此案遵照所駁之處議擬妥協詳報以憑核奪具題 司覆詳本司覆看得夫婦大倫姦淫大惡謀殺重案斬罪重刑承讞者固不得從輕以蹈失出之咎尤不得從重以罹失入之愆如天門縣范又三毒死賈么狗一案先經本司審明又三與其表妹熊五姑通姦



後因姦情敗露斷絕往來又三毒死么狗五姑並不知情雖五姑會  
 經許字么狗尚未成婚難照姦夫自殺其夫姦婦不知情擬絞將五  
 姑照姦總麻以上親律擬以杖徒又三擬以毒藥殺人斬抵招解在  
 案茲蒙憲臺以熊五姑與表兄范又三通姦致又三用藥毒死五姑  
 之夫賈么狗則五姑雖不知情律應擬絞而又三亦應照因姦殺死  
 親夫處斬之律禮載女子許嫁笄而字又云一與之齊終身不改則  
 几許嫁之女雖未成婚而夫婦之名分已定大義昭然招內既稱么  
 狗為五姑之夫則五姑自當為么狗之婦婦者對夫而言不獨為女  
 子已嫁之稱况五姑雖未與夫成婚而么狗實因其婦與人通姦而  
 被殺今若不照姦婦科斷是否不干部詰行令議擬妥協詳報核奪  
 等因仰見慎重周詳至意遵查夫乃婦之天婦之與夫誠當顧名以  
 思義而女之與婦亦當循名以核實蓋律有成婚未成婚之文禮有


成婦未成婦之訓究之成婦則成婦未成婦則未成婦其大較也記  
 載婚禮一與之齊終身不改而鄭氏註云齊謂共牢而食似亦指已  
 嫁者而言又記載取女有吉日而女死婚齊衰而弔既葬而除夫死  
 亦如之夫士羞僅踰月婦與夫喪宜服斬衰三年而女於壻死葬則  
 除服是未嫁之女與已嫁之婦服制懸殊如此再查比附律條開載  
 既聘未娶子孫之婦罵舅姑比依子孫違犯教令律杖一百婦罵夫  
 之父母罪應擬絞而既聘未娶者止比照擬杖是已字未嫁之女難  
 與已嫁之婦同論罪也明甚此案賈么狗固由五姑與又三通姦致  
 被又三殺死又三本應照姦夫殺死親夫擬斬但將又三照姦夫殺  
 死親夫擬斬勢必將五姑照姦婦不知情擬絞而五姑雖許字么狗  
 六禮未成尚屬閨女止為么狗已定之親非么狗已娶之婦若將五  
 姑依姦婦擬絞誠恐內部以未嫁之女與已嫁之婦不同改擬從輕



承審各官便干失入重例是五姑終未便照姦婦不知情科罪其五姑既未便照姦婦擬絞則又三亦未便照姦殺擬斬伏查名例內載律令該載不盡事理斷罪無正條者引律比附應加應減定議廷部奏問等語今律既無室女與人通姦姦夫殺死其壻室女作何擬罪之條而罪疑惟輕相應仰請憲臺俯照原擬仍將律無明條與五姑應絞應徒應聽部議之處於疏後聲明至范又三既擬斬監候姦殺與毒殺律雖不同而罪無出入即使改議亦屬無碍並請聽候部議可也緣奉駁查事理是否允協理合呈詳憲臺核奪 院簽駁聘而未成婚之女稽之禮典并律條比附既不同於已娶之婦則此案熊五姑自非應絞之犯矣查雍正三年九月刑部為欽奉

上諭事覆准條奏有本犯已引正條罪欸之後不得以情由可惡於律例之外議長其罪今該司看內既將熊五姑照依姦總麻以上親之律

擬徒而又稱其應絞應徒仍聽部議似與部行有碍再查犯姦定例雖無姦總麻以上親作何治罪之處但載軍民人等與相等人妻通姦者男婦各枷號一個月鞭一百民人犯姦亦照此例治罪等語是姦婦例應枷責者也今止議將熊五姑決杖一百餘罪收贖是否與律例相符應否比照旂人犯徒例按徒年限枷責發落仰再確查有無行過此等成案妥議另詳 司覆詳本司遵查雍正三年九月內刑部條奏例載本犯已引正條罪欸之後不得以情由可惡於律例之外議長其罪者乃指律有明條援引既符又云情罪可惡更引別條以增其罪者而言也若熊五姑係因律無正條照例援引犯姦本律擬以杖徒以聽部議與已引正律復云情罪可惡更引別條議長其罪者不同其應絞應徒字樣似與部行無礙但憲臺既令確查妥議無非欲其允協至意謹將招內應徒應絞字樣更正餘照前擬聽





候部議再查現行則例內載軍民人等與相等人妻通姦者男婦各枷號一個月鞭一百民人犯姦亦照此例治罪等語此指相等常人通姦者而言若非相等常人則應照律不照例矣故例內並不言及親屬相姦作何治罪者以有律在故也今熊五姑與范又三乃中表兄妹服屬總麻並非相等常人自應依親屬相姦本條科斷所謂本條別有罪名當依本條科斷者是也且查雍正二年內孝感縣民徐世則毆死徐立先案內徐燦章與無服族侄媳王氏通姦經刑部議以王氏等應照律內姦同宗無服親之妻者各杖一百等因在案則是以親屬相姦止應照律科斷不應比照旂人犯徒之例枷責發落之明後也熊五姑相應仍照原擬決杖一百餘罪收贖實為妥便

律例與情罪未協仍准援引

乾隆八年三月刑部會議覆鳳臺縣民曾大貓因與金存姐通姦將未成婚之夫時寬毒死一案據安撫張 疏稱緣曾大貓與時寬居住附近常在一處戲耍時寬聘定金會公之女金存姐為妻尚未過門曾大貓與金會公對門居住幼認金會公之妻為母金存姐亦認曾大貓之母為母彼此往來乾隆六年四月間金存姐與曾大貓代買鞋面布疋曾大貓買布送去見其父母他出惟金存姐在室遂與金存姐調戲成姦七月內又乘間通姦一次至七月三十日時寬之母請人擇吉為時寬完娶曾大貓聞知恐時寬娶去不能通姦起意謀害旋赴徐爾中店內詭言合治瘡藥買得人言并買麩菓六個暗將信入菓內誘哄時寬取食麩菓時寬不疑接取食畢即毒發腹痛吐瀉至一更時分殞命屢審不諱將曾大貓等擬以斬絞等因具題



應如該撫所題會大猫合依姦夫自殺其夫律擬斬監候秋後處決仍刺字再該撫疏稱金存姐合依姦婦雖不知情擬絞監候但金存姐尚未過門成婚其與會大猫通姦係在父母家與已成婚者有間竟照姦婦律定擬縲首似覺過重查定例果與舊案相合可援為例者許干本內聲明著為定例等語茲查雍正五年刑部議覆范又三毒死賈公狗一案賈公狗聘定熊襄臣之女熊五姑為妻范又三與熊五姑係姑表兄妹遂與通姦嗣聞遣嫁有期欲害賈公狗圖熊五姑為婦潛買砒毒藏置餅中誘令賈公狗嘗食毒發身死將范又三依毒藥殺人律擬斬監候熊五姑依姦內外總麻以上親律杖一百徒三年等情與今會大猫案情實相符合會大猫應照賈公狗之案依毒藥殺人律擬斬監候金存姐依軍民相姦例枷號一個月責四十板可否著為定例聽候部議再金存姐事犯在乾隆七年三月二

十八日奉到

恩旨以前如蒙改擬所有應得杖罪及枷罪收贖應邀寬免等語查刑名案件有一定之條例無一定之案情倘若拘守正條必至情重法輕或情輕法重從前舊例該督撫查明成案內有援引別條科斷而輕重適平者即摘叙事由附入疏內三法司詳加察核聲明請

旨是引用成案原因律例正條豈能字字與現案相符必變通斟酌始可胥得其當也康熙雍正年間內外遵行無弊由來已久自乾隆三年御史王柯條奏凡屬成案毋得援引果有與舊案相合可援為例者該督撫于本內聲明臣部著為定例等因經臣部議覆准行在案查停止成案本因恐司刑名者得以意為增減殊不知引用律例又何不可以任意低昂刑獄動關民命惟在問刑衙門周詳慎重期于平允正不在於多設科條變更成法况從前舊案不知凡幾若使各該



督撫俱于本內聲明著爲定例條例紛煩實無裨于政治查乾隆六年十月內奉

上諭律例一書原係提綱挈領立爲章程俾刑名衙門有所遵守至于情僞無窮而律條有限原有不能纖悉必到全然該括之勢惟在司刑者體察案情隨事詳酌期于無枉無縱則又不可以一人一事而卽欲頓改成法也本朝大清律周詳明備近年以來又命大臣等斟酌重修朕詳加釐定現在刊刻頒行而新到任之臬司科道等條陳律款者尙屬紛紛至于奉天府尹吳應枚竟奏請酌改三條夫以已定之憲章欲以一人之臆見妄思變易究竟不能盡民間之情弊而朝更夕改徒有乖于政體嗣後毋得輕議紛更如果所言實屬有當該部亦止可議存檔案不得擅改成書欽此欽遵在案臣等詳加酌議此後請將乾隆三年議覆御史王柯條奏將成案著爲定例之處無庸遵行如有輕重失

平律例未協之處仍聽該督撫援引成案臣部等衙門詳加察核  
應准應駁之處干疏內聲明請

旨庶條例不至紛更而情罪亦胥得其平矣倘蒙

俞允此案金存姐係在父母家犯姦與已成婚之婦招引姦夫往來致將本夫殺害者其情罪有間應照范又三毒死賈么狗之案將會大貓照毒藥殺人律擬斬監候金存姐依軍民相姦例枷號一個月責四十板雖事在奉

旨清理刑獄以前係犯姦之女情罪較重所有應得杖罪及枷號收贖之處均不應寬免其該撫所請將范又三一案著爲定例之處毋庸議仍通行直隸各省督撫一體遵行該撫既稱徐爾中賣給毒藥不知殺人情事毋庸議等語應毋庸議奉

旨曾大貓依擬應斬着監候秋後處決餘依議



縱姦以致姦夫殺夫

康熙八年 月刑部議晉撫 疏史德等謀死樊二一案先因樊二竊盜事發監禁史德常與送飯樊二將妻李氏許與史德夥着後二出獄不容史德與妻往來史德懷恨在心遂同王策哄樊二至張一魁家飲醉用腰帶將樊二勒死張一魁扣住樊二之手李氏實不知史德等謀死合依謀殺人造意律擬斬監候張一魁合依從而加功律擬絞監候王策病故無庸議李氏依姦夫自殺其夫者姦婦雖不知情律擬絞監候王二豁子聽父使令將樊二屍骸擡至井中鄉保弓應仕朦混具呈均依不應重杖奉

旨李氏係伊夫樊二知而合與史德通姦與不知而有姦者不同俱着確議具奏



縱妻犯姦姦夫殺死本夫姦婦擬杖

康熙三十八年七月刑部會看得寧晉縣王福儒勒死鄭公保一案據直撫李光地審擬斬杖具題查鄭公保于康熙三十七年六月內因貧難度日令妻韓氏賣姦爲生與王福儒通姦至十一月二十日晚福儒與公保沽酒飲至四更福儒欲與韓氏同宿氏因患瘡不允福儒持刀趕殺氏懼奔避遂責公保彼此罵詈福儒輒用磚毆公保鼻梁腮頰等處復用繩勒其咽喉以致公保立時殞命歷審情真王福儒合依故殺律擬斬監候秋後處決韓氏因福儒持刀趕殺逃避實不知情合依縱容妻妾與人通姦律杖九十遇熱審減等杖八十折責三十板鄭美吾審係無干毋庸議奉

旨王福儒依擬應斬着監候秋後處決餘依議

殺死本夫姦婦免罪

康熙四十六年八月刑部議江撫郎 疏查李佑臣因姦謀殺熊義瑞一案李佑臣依因姦殺死親夫律擬斬監候秦必照依從而加功律擬絞監候秦氏照姦夫自殺其夫姦婦雖不知情亦絞但查秦氏與李佑臣通姦之處原係伊夫義瑞貪其貲助逼妻與之成姦非秦氏情願且李佑臣謀殺義瑞之後秦氏聞知卽行首告案查康熙二十一年七月內臣部等衙門覆山東巡撫佛倫題孫紹先等謀殺朱元案內楊氏與紹先先行姦之處係伊夫朱元逼成非楊氏情願將楊氏免罪在案今秦氏情罪與楊氏相符不便照該撫擬絞秦氏應改免罪奉

旨李佑臣依擬應斬秦必照依擬應絞俱着監候秋後處決餘依議



謀殺本夫屍親不到亦行審結併姦婦不知謀情照容縱律擬

康熙四十三年八月刑部會看得王才等謀殺劉二抹一案准直撫李光地審擬斬絞具題查劉二抹係慶都縣人因貧貧王才周濟令妻王氏與才通姦後二抹買驢同才赴京覓利將驢賣銀三兩才因借貸不與頓起殺機遂與慈天慶商謀約二抹同歸于康熙四十二年九月十三日一更時分行至大興縣鮑文太墳內王才輒用拳毆倒劉二抹復用帶勒口慈天慶卽拔二抹所佩小刀連刺咽喉并腿脚踢腎囊等處二抹登時畢命王才搜取銀兩回至慶邑復誣王氏同天慶家眷進京又與天慶商謀欲畧賣王氏分肥歷審情真王才除和姦誘拐王氏輕罪不議外合依謀殺人因而得財者同強盜不分首從律擬斬立決王氏先因伊夫縱姦後被誘來京謀殺二抹係不知情合依縱容妻妾與人通姦姦婦杖九十律杖九十折責三十



五板王才所得之贓照數追給屍親脫逃之慈天慶嚴緝獲日另結奉

旨王才着卽處斬餘依議

親夫縱姦後被姦夫謀殺姦婦不知情免罪

康熙三十一年七月刑部會看得孫紹先等謀殺朱元一案據東撫佛倫審擬斬絞具題查朱元家貧難度同伊父朱爾煥携妻楊氏寄居于劉會家劉會之友孫紹先窺見楊氏姿色乘朱元外出逼氏強姦楊氏告知伊夫詎朱元以日用飲食俱係紹先資助囑氏隱忍莫言後被房主劉會知覺驅逐復移居王守貞家紹先欲拐楊氏于康熙三十年正月二十二日勾引孫二魏復明假以與地耕種誘朱元行至泊峪嶺地方孫紹先魏復明各持刀砍傷朱元頸項等處孫二猶恐不死復割頭顱另埋他所隨將楊氏母子拐去嗣因朱爾煥具告將孫紹先等拿獲歷審情真孫紹先合依謀殺人造意律擬斬監候秋後處決魏復明合依從而加功律擬絞監候秋後處決楊氏應按律擬罪但該撫疏稱楊氏初被孫紹先強姦卽告知伊夫朱元伊



夫囑令不必揚聲楊氏原非情願行奸與李中白等因奸宿氏謀殺其夫劉之剛之案相符應將楊氏免罪等語查康熙三十年六月內臣部等衙門題李中白等謀殺劉之剛案內李中白強姦宿氏氏告知伊夫劉之剛免罪在案楊氏委不知孫紹先等謀殺情由且非伊情願行姦與宿氏情罪相符應將楊氏免罪給與伊叔翁朱三其領回脫逃之孫三獲日另結奉

旨孫紹先依擬應斬魏復明依擬應絞俱着監候秋後處決餘依議

本夫縱妻通姦別事被毆身死姦婦照姦罪例枷責

康熙五十四年九月刑部會看得葉天祥等戳死韓鼠兒一案據江撫張 審擬杖罪援免具題查葉天祥住居泰興常至泰州歇在熟識之韓鼠兒家鼠兒縱妻陳氏與天祥通姦又聽葉天祥哄誘欲避兄離母移居泰興生理因慮兄韓世祿阻留于康熙五十一年七月二十八日鼠兒邀葉天祥朱茂林在于單大男店內共謀毆兄以便脫身遷移後世祿向鼠兒索取養母供膳因鼠兒不與率其耕牛鼠兒棍擊世祿即行奔跑世祿趕至單大男門首葉天祥突出刀戳世祿鼠兒怨恨天祥不應刀戳兩相爭角天祥即持刀砍傷鼠兒頂心右太陽等處又勒令朱茂林棍毆鼠兒胎膈臂膊韓世祿傷輕平復韓鼠兒傷重殞命歷審情真除葉天祥取供後病故不議外朱茂林合依餘人律杖一百在場不行勸阻之單大男合依不應重律杖八



十朱茂林等事犯在五十二年三月十八日

恩赦以前均應免罪再該撫雖稱鼠兒縱妻陳氏與天祥通姦將陳氏照

律擬杖等語查定例軍民人等與相等人妻通姦者男婦各枷號一

月杖一百等語陳氏應比照此例枷號一個月杖一百事犯

赦前亦應免罪奉

旨依議

本夫縱姦後被姦夫致死姦婦照縱容律杖

康熙五十五年九月刑部會看得承性元卽程三和尚致死丁茂林

一案先據江撫張疏稱丁茂林貧窘難堪挈妻郭氏鬻身夏姓與

承性元居菴相近將子丁大郎與性元爲徒性元又與茂林銀兩將

身贖出性元因與郭氏通奸茂林感性元贖身且圖資助知情縱姦

承性元與郭氏行姦情密隨還俗另居沙上茂林亦挈眷相依議帮

性元工作抵還身價康熙五十一年十二月二十六日茂林無資度

歲向性元借有衣服等物當錢而回途遇性元性元邀伊往肆共飲

茂林醉後嘔及性元姦妻之事詈罵性元將茂林推入河中茂林向

係手癩脚壞又兼頸掛口袋貯有銅錢重墜不能掙起性元又拖扯

頸上袋繩以致勒斃郭氏以爲凍死墓埋後屍弟丁茂具控被縣驗

出茂林頸上有繩痕仵作又將保長劉榮賄囑銀三兩二錢出首歷



審情真以郭氏與秦氏之案相符擬以杖罪援免具題臣部以秦氏之夫熊義瑞貪李佑臣眷助勒逼伊妻通姦秦氏始與李佑臣通姦今郭氏先與承性元通姦丁茂林知情在後縱容與逼勒情事懸殊且秦氏自行首告郭氏捏稱凍死郭氏不便照依秦氏免罪駁令該撫再加嚴審妥擬具題去後今據該撫吳 疏稱郭氏之夫丁茂林手足殘壞貧難度活既感性元贖身且欲冀其周濟縱妻通姦並非知情在後迨後性元還俗茂林又復圖其資助挈妻同往雖未逼勒郭氏而貪資縱姦情事甚明至郭氏因伊夫與性元式好無尤悞認凍死委非有心捏報雖與秦氏之逼姦稍異而其情符合郭氏未便照不知情絞律擬罪且康熙二十八年間原任直撫于 題因郝士友利李明秋資助縱妻孫氏與李明秋通姦後明秋打死士友孫氏審不知情擬杖完結又四十一年間原任浙撫趙 題因羊邦憲向

俞汝珠借貸米穀不能償還遂縱妻金奴與汝珠通姦後汝珠毆死邦憲金奴審不知情金奴擬杖具題完結今郭氏與秦氏雖有稍異與孫氏金奴事實相同將郭氏仍擬杖罪援免具題除承性元并行賄之保長劉榮俱經病故不議外該撫既稱丁茂林貪資縱妻郭氏與人通奸且承性元將伊夫勒死之處郭氏並不知情又與從前具題完結孫氏等情事相符應將郭氏照縱容妻妾與人通奸奸婦杖九十律杖九十但事犯在康熙五十二年三月十八日

恩赦以前應免罪作陳鼎出首行賄銀三兩二錢照例入官奉旨依議



本夫縱妻通奸奸夫自殺本夫奸婦不知情照奸罪擬杖

雍正四年 月刑部會看得泰興縣民朱玉俊等謀死程文秀一案  
據江撫陳 疏稱緣程文秀租賃徐姓房屋與妻袁氏居住朱玉俊  
于屋後造房一間迨徐姓欲賣此房朱玉俊見袁氏少艾心懷不良  
卽同向與袁氏通奸之秦勝子各出銀兩給程文秀買屋朱玉俊遂  
與袁氏通奸程文秀知而不拒後程文秀竊取外祖父母銀錢事露  
朱玉俊與之口角成隙秦勝子亦因伊伯訓誨各皆斷絕往來于雍  
正三年二月初十日程文秀往周莊看戲適遇朱玉俊秦勝子邀同  
酣飲沉醉朱玉俊秦勝子遂將程文秀攜至朱玉俊家內抬卧于床  
睡熟不甦朱玉俊頓起殺機商同秦勝子致死程文秀秦勝子應允  
卽解腰帶交與朱玉俊做成活口套入程文秀頸項兩人收帶程文  
秀畢命朱玉俊復喚伊弟朱玉行同秦勝子將屍抬棄河邊經屍叔



程君相具控歷審不諱除秦勝子於解審中途病故外將朱玉俊擬斬袁氏擬絞但袁氏原係伊夫縱奸非私通者可比查直督于題郝士友縱妻孫氏與李明秋通奸郝士友被明秋毆死將孫氏擬杖完結在案今袁氏與孫氏之案相符應否未減聽候部議朱玉行照棄屍不失為從律徒二年半等因具題朱玉俊合依謀殺人造意律擬斬監候秋後處決袁氏改照縱容妻妾與人通奸奸夫奸婦各杖九十律杖九十折責三十五板帮同抬屍之朱玉行應照棄屍不失為從律徒二年半至配所折責三十五板奉

縱妻犯姦被姦夫謀死姦婦不知情依縱姦律治罪

雍正四年十月刑部會議覆廣東程鄉縣民寄寓諸羅縣之陳鄰等謀死張孝一案據福撫毛審擬斬絞杖罪具題查陳鄰李應康梁金昆等住屋與張孝住屋毗連張孝曾借李應康銀四兩錢四百文無償遂縱妻陳氏與李應康通姦後被陳鄰撞遇即欲挾姦陳氏陳氏不從陳鄰亦以銀一兩借給張孝張孝又縱陳氏與陳鄰有姦雍正三年九月二十日陳鄰請張孝與李應康梁金昆飲酒張孝醉後詈及陳鄰姦妻之事陳鄰氣忿頓起殺機遂與李應康梁金昆商謀打死張孝併令其幫助許給銀一十二兩於二十二日暮時陳鄰聞知張孝往張李家去即令李應康梁金昆先行等候陳鄰與張孝同行至圳溝地方陳鄰先用拳打張孝腰膈梁金昆拳毆張孝胸膛李應康手擒張孝咽喉登時殞命歷審不諱陳鄰合依姦夫謀殺親夫



律擬斬監候秋後處決李應康梁金昆均合依謀殺人從而加功律擬絞監候秋後處決再該撫疏稱陳氏依姦夫自殺其夫者姦婦雖不知情律擬絞監候但張孝縱妻陳氏與陳鄰等逼姦致被謀死陳氏應否援照康熙二十六年直撫于成龍題郝士友縱妻孫氏與李明秋通姦郝士友被李明秋毆死之案擬杖完結等語查陳氏係伊夫張孝縱姦且陳鄰等謀殺張孝陳氏並不知情次日陳氏因伊夫同應將陳氏照縱容妻妾與人通姦姦婦杖九十律杖九十折責三十五板奉

旨陳鄰依擬應斬李應康梁金昆依擬應絞俱着監候秋後處決餘依議

賣姦致死本夫

康熙二十九年九月刑部會覆直撫于成龍題李明秋打死郝士友一案查郝士友因本村被水淹沒携妻孫氏就食於明秋之村明秋爲之賃房居住士友利其所有乃將孫氏許與行姦嗣明秋囊乏見棄於士友後明秋邀士友共飲欲修舊好士友醉後詈罵明秋頓生殺機推士友於濠內持磚立時打死將李明秋依故殺律斬孫氏係士友縱容通姦依縱容妻妾與人通姦姦夫姦婦各杖九十律擬杖折責奉

旨李明秋依擬應斬着監候秋後處決餘依議 附司看看得李明秋之打死郝士友也因士友先年本村被水携妻孫氏同至明秋庄內意圖糊口家鄉耳不謂偶爾窃菜被人捉獲明秋爲之出錢排難解脫貪哉士友感其情而利其財竟以孫氏酬之亦以謂夫婦二人藉此



可以終養天年耳且三人同眠彼此忘形傷風敗俗行同狗彘然而  
 穢跡昭著碍難久居於是携妻別秋復歸故鄉二載交情一旦斷絕  
 而明秋猶不灰心復置產於士友之村合夥承種欲將他家婦竟作  
 百年妻而無如以財相交者財盡而交疎日費月消貧窶見告此時  
 不特士友心存推卸即孫氏亦多杜絕之懷何明秋不自追悔而反  
 聞言懷怒然亦無必殺之心也適因士友趕集偶爾相遇沽酒酣飲  
 歡然如故歸至中途時值更闌士友使酒復罵明秋頃起殺心始則  
 手揪其腎囊繼則磚扑其耳根終則土填其口內庭訊之下直吐不  
 諱依故殺斬抵不杜至於孫氏查姦夫殺死本夫姦婦雖不知情亦  
 絞此謂妻妾與人通姦本夫不知姦情而被殺者言也蓋郝士友者  
 不特賣姦而且三人同睡貪其財利其貨雖非娼而寔甚于娼也較  
 之姦婦自與人姦以致姦夫殺死本夫者大有間也然律無正條相

應照律內縱容妻妾與人通姦者各杖九十擬孫氏以杖九十不為  
 縱也



縱妻犯姦致妻起意串同姦夫毆死

乾隆三年 月刑部會議覆張氏與李維珠通姦謀死親夫郭以忠一案據湖撫楊 疏稱張氏舊係土娼經郭以忠買回作妾後因家貧卽携張氏駕船爲娼經彼地居民逐回與李維珠住居相近李維珠至張氏家吃烟借錢與張氏買布郭以忠窺見卽向李維珠借錢未與郭以忠遂設酒邀李維珠至家令與張氏姦宿李維珠卽給錢二千文從此往來資助後李維珠無錢相贈郭以忠遂起拒絕之心乾隆元年三月初三日郭以忠外歸見李維珠在房卽將前門扣住揚言捉姦李維珠當從後牆逸出郭以忠嗔張氏仍與李維珠往來卽行打罵張氏忿恨頓起殺機至初六日郭以忠外出李維珠復至張氏卽與商謀殺死郭以忠李維珠允從是夜郭以忠醉歸睡熟張氏開門引李維珠潛至房內張氏卽將郭以忠腎囊揪住郭以忠負



痛喊救滾跌床下致被木盆墊傷後肋李維珠以手按住抵傷胸膛郭以忠復喊李維珠又按掐其口致傷左右腮腋并手指掛傷咽喉浮皮郭以忠在地掙磕擦傷額門額顱等處張氏緊揪腎囊不放郭以忠登時殞命張氏卽經屍身穿好衣履同李維珠棄屍堰中經屍弟郭以舉次日路遇看見撈起報縣先據襄陽縣知縣邱運亨將張氏李維珠擬以礮斬經按察使閻堯熙以供傷不符駁飭覆審其縱姦情由仍未審出經該司詳委襄陽穀城二縣會審據隣佑王文樂屍弟郭以舉等供出縱姦實情研審不諱將張氏擬斬立決李維珠疑斬監候均刺字作韓明誠疑杖援免等因具題應如該撫所題張氏合依本夫縱容妻妾與人犯姦妻妾起意謀殺本夫例擬斬立決李維珠合依因姦謀死親夫律擬斬秋後處決該撫旣稱伴作韓明誠合依檢驗不實律杖八十事在乾隆二年四月十六日

恩赦以前應免罪等語應如該撫所題完結再該撫疏稱襄陽縣知縣邱運亨相驗失實將斬決錯擬凌遲相應聲明聽候部議等語除據詳率轉原任襄陽府知府朱華金署府事通判王瑄該撫旣稱俱先離任無從覆審改正應毋庸議外至襄陽縣知縣邱運亨相驗失實將斬決人犯錯擬凌遲殊屬失入應將邱運亨照例降一級調用奉旨張氏着卽處斬李維珠依擬應斬着監候秋後處決餘依議



姦夫謀死親夫復娶姦婦

雍正十二年正月刑部會議得李悉義等同謀勒死無服族弟李全  
義一案據陝撫史 將李悉義照謀死律擬斬監候李月賢照爲從  
律擬絞監候均照例刺字劉氏等擬杖等因具題查例內姦夫同謀  
殺死親夫後設計謀娶爲妻妾者擬斬立決等語今李悉義圖姦全  
義之妻劉氏假託神言嚇詐成姦復商同李月賢將全義勒死又令  
劉氏假死引至家內密室藏匿似此兇淫不便照謀殺造意律擬斬  
監候劉氏雖係伊姑強令從奸經該署撫審明不知悉義謀死伊夫  
之事但聽從悉義之詐言逃匿該署撫等止照刁姦律擬杖亦不足  
以蔽辜至田氏容留劉氏卽知情不首亦例得容隱今擬照縱容妻  
妾通姦律擬杖的決查律載止有本夫縱容妻妾與人通姦者擬杖  
並無妻妾容縱本夫與人通姦者擬杖之條所擬尤爲錯誤應令該



署撫另委賢員再加詳審妥擬具題到日再議可也奉  
旨依議

無屍定案

康熙四十四年十月刑部會看得王守貴因姦謀殺陳進孝一案據  
直撫李 疏稱緣陳進孝與伊妻馮三姐原在伊岳馮世望家同住  
世望義子王守貴遂與三姐通姦康熙四十二年正月內陳進孝上  
京貿易王守貴旋即尋往同寓于三月二十日守貴旋誘進孝至西  
直門外先以酒毒繼後拉至墳園內石殿刀刺以致進孝立時斃命  
棄屍潛歸遲至四十三年正月內復撈回三姐至宛平縣所屬辛庄  
居住屍父陳守玉因伊子久出未回又因伊媳與守貴共逃呈報到  
官緝獲守貴三姐等到案雖進孝身屍日久未獲但歷審守貴三姐  
已將因姦謀死情由直認不諱真犯無疑應依天津衛民宋小宇之  
案據現犯供招定擬將王守貴擬斬馮三姐擬絞等因具題查從前  
天津衛民宋小宇謀財殺死孟氏拋屍河內一案臣部等衙門以屍



雖未獲贓物現在已將宋小宇擬斬立決完結在案今陳進孝屍雖未獲王守貴自認因姦謀殺情真與宋小宇屍骸未獲之案相符王守貴合依因姦謀殺親夫律擬斬監候秋後處決馮三姐合依姦婦不知情律擬絞監候秋後處決馮世望合依縱容妻女與人通姦律杖九十折責三十五板奉

旨王守貴依擬應斬馮三姐依擬應絞俱着監候秋後處決餘依議

使妻爲娼被姦夫謀殺

康熙三十六年六月刑部議江撫宋榮疏高大挈妻施氏飄流爲娼王榮祿貼銀與氏姦宿後囊空被高大毆逐榮祿憤恨令陳加勝喚高大看戲飲酒下毒高大殞命王榮祿依謀殺人律擬斬陳加勝依不應重杖高大使妻爲娼與凡姦不同榮祿謀死高大施氏審不知情應免議奉

旨依議







